

2

JOANNIS PHYSIOPHILI OPUSCULA.

CONTINENT

MONACHOLOGIAM; ACCUSATIONEM PHYSIOPHILI;
DEFENSIONEM PHYSIOPHILI; ANATOMIAM
MONACHI.

Collegit, edidit & prefatus est

P. ALOYSIUS MARTIUS.



Augustæ Vindelicorum,
Sumtibus Editoris.

Digitized by the Internet Archive
in 2015

<https://archive.org/details/b22349625>

P. P. P. P.

F A S T ,

PHILOS. ET A. A. L. L. DOCTORI , ECCLESIAE
METROPOLITANÆ VINDOBONENSIS AD S.
STEPHANUM CHORI MAGISTRO.

C O M M I L I T O N I S U O

O P U S C U L A

J O A N N I S P H Y S I O P H I L I

S U I S C U R I S C O L L E C T A

D. D. D.

P. A L O Y S I U S M A R T I U S .

1. *Admiral*
2. *Admiral*
3. *Admiral*
4. *Admiral*
5. *Admiral*
6. *Admiral*
7. *Admiral*
8. *Admiral*
9. *Admiral*
10. *Admiral*
11. *Admiral*
12. *Admiral*
13. *Admiral*
14. *Admiral*
15. *Admiral*
16. *Admiral*
17. *Admiral*
18. *Admiral*
19. *Admiral*
20. *Admiral*
21. *Admiral*
22. *Admiral*
23. *Admiral*
24. *Admiral*
25. *Admiral*
26. *Admiral*
27. *Admiral*
28. *Admiral*
29. *Admiral*
30. *Admiral*
31. *Admiral*
32. *Admiral*
33. *Admiral*
34. *Admiral*
35. *Admiral*
36. *Admiral*
37. *Admiral*
38. *Admiral*
39. *Admiral*
40. *Admiral*
41. *Admiral*
42. *Admiral*
43. *Admiral*
44. *Admiral*
45. *Admiral*
46. *Admiral*
47. *Admiral*
48. *Admiral*
49. *Admiral*
50. *Admiral*
51. *Admiral*
52. *Admiral*
53. *Admiral*
54. *Admiral*
55. *Admiral*
56. *Admiral*
57. *Admiral*
58. *Admiral*
59. *Admiral*
60. *Admiral*
61. *Admiral*
62. *Admiral*
63. *Admiral*
64. *Admiral*
65. *Admiral*
66. *Admiral*
67. *Admiral*
68. *Admiral*
69. *Admiral*
70. *Admiral*
71. *Admiral*
72. *Admiral*
73. *Admiral*
74. *Admiral*
75. *Admiral*
76. *Admiral*
77. *Admiral*
78. *Admiral*
79. *Admiral*
80. *Admiral*
81. *Admiral*
82. *Admiral*
83. *Admiral*
84. *Admiral*
85. *Admiral*
86. *Admiral*
87. *Admiral*
88. *Admiral*
89. *Admiral*
90. *Admiral*
91. *Admiral*
92. *Admiral*
93. *Admiral*
94. *Admiral*
95. *Admiral*
96. *Admiral*
97. *Admiral*
98. *Admiral*
99. *Admiral*
100. *Admiral*

ALOYSIUS MARTIUS
F A S T I O S U O
S. P. D.

¶*Vitto tibi strenuissime Fastie ! nitidior
rem & comptiorem Physiophili Mo-
nachologiam , variis auctam accessioni-
bus , quam denuo recudi curavi. Mira-
beris forte me id jam aperte agere , quod
nuper publice negavi. At scies retracta-
tionem illam , tabellis publicis augustanis
insertam , me inscio , ab occulto quodam
monachismi fautori fabricatam fuisse , id
quod solemniter in sermone meo , ad popu-
lum augustanum die Pentecostes 1783. ha-
bito , indicavi ; Nostra enim interest ut
pateat coram omnis conditionis homini-
bus , quam stultus & præcox fuerit mo-
nachorum triumphus ob funestam Socie-
tatis exterminationem. Sperabant tum ,
calamitatem Societatis ipsorum incremen-
to profuturam ; sentiant jam , quod unus-
quisque emunctioris naris prædixerat :
desertum fulcimentis suis monachismi æ-*

dificium properasse in ruinam & extinc-
tionem nostram verius cladem & exci-
diun totius exercitus monastici , quam
stragem singulæ tantum cohorti illatam,
fuisse. Tu , cui opuscula hæc in perpe-
tuam amicitiæ meæ tesseram do , dono,
dedico , curabis , ut in manus omnium
perveniat libellus.

Exspecto ut de fatis , quæ in refor-
mantे hoc seculo apud vos de die in diem
subit religio , certiorem me semper red-
das. Audio quidem jam fastidiosas &
nefastas videri fastiditis Vindobonensium
stomachis instructiones tuas catholicas.
Sed macte animo mi Fastie ! Veniet tem-
pus quo fastosa Fastii doctrina tanquam
semen , quod sub hieme incredulitatis de-
litescit tantum , non vero emoritur , cum
fastu fastigabitur in aristas , & fructus
fe-

feret egregios, nequaquam fastidium, sed
sitim ampliorem verbi fastiani, cientes, &
in hanc spem, si fas est prophetam agere,
jam nunc diem fastum, quo Fastius ad
fastigium dignitatis parochialis evectus
fuit, cum religioso quodam fastu in fa-
stis ecclesiæ rubra creta notari vellem.

Inviderem fere gloriæ tuæ , si esset
invidiæ locus inter comilitones , quos
idem zelus pro causa veræ religionis in-
cendit , tam strenue pro aris & focis se-
dis romanæ dimiccas , tam gloriose , exer-
citatus in arena atletha , triumphas !
Quam magnifice semper in publico appa-
res ! præcedentibus lento passu graviso-
nis illis P. P. P. P. Videor mihi videre
consulem romanum suis stipatum lictori-
bus incedere , aut Patrem Patriæ , Pa-
cificatorem Populorum , vel Præfectum

Prætorio Provinciæ Pannonicæ advehì.
Sed meliori certo titulo tu quadrijugum
tuum P. P. P. meruisti, ac imperato-
res illi & consules, prob dolor! ethnici,
qui nomen Parthici, Punici, Pannonicī,
Patris Patriæ, Protectoris Populi, Præ-
sidis Provinciæ, & quæ sunt reliqua va-
næ gloriæ attributa, non nisi sanguine
cæsorum hostium & lachrymis expilata-
rum Provinciarum nominibus suis ad-
scripsérunt. Tu opportune Patris titulum
obtinuisti, cum Patris officiis, & castis
conjugalis amoris amplexibus voto solem-
ni renuntiasti; Patricii nomen in fonte
baptismi feliciter suscepisti. Præputius
unanimi populi consensu salutatus es, cum
nuper victor, e pugna contra impugna-
tores præputii redux, salutiferum iltud
præputium præputiato sacerdotio vindи-
cares; laudabiliter tandem nuperrime

Pel-

Pelliceus appellatus es , cum boni pasto-
ris officio functus innocuam tonderes o-
vem & pelle ovina accingeres humeros
ut lubentius sequatur grex præeuntem —
pastorem.

Succumberem ; fateor , sub his bene-
partæ gloriæ stimulis , si nomen meum
tot & tantis ornamenti oneraretur ac-
tuum ; & ideo in humilitate cordis mei
adoro dispositionem divinam , quæ me
non atletham gloriosum , sed humilem
gladiatorem , non instructorem & tibi-
cinem catholicum sed exiguum conciona-
torem urbiculæ vix non catholicæ esse vo-
luit. Pergo nihilominus alacriter , tuo
incitatus exemplo , satisfacere vocationi
meæ & quandiu pulmonibus meis non
deficiet spiritus , non desistam anathemi-
zare , excommunicare , damnare omnes ,

quotquot occurrent mihi , Paganos & Ethnicos , Lutheranos & Calvinistas, Anabaptistas & Antipapistas , Sciolos & Neologos , & , qui pessimi sunt omnium, Jansenistas ; non desistam stupor esse & ludibrium gentibus in hac valle lachrymarum , ut merear aliquando in cœlo coronam incorruptibilem , quæ unica sit spes mea & vatum.

Tu gloria tua & in hoc mundo quoque fruere ; uteisque tandem nil agamus , quam quod facit A. M. D. G. Vale iterumque vale.

Dabam Augustæ Vindelicorum
3. Junii 1784.

JOANNIS PHYSIOPHILI

S P E C I M E N
MONACHOLOGIÆ

METHODO LINNÆANA

TABULIS TRIBUS ÆNEIS ILLUSTRATUM.

Ego autem vehementer lætor, in mea Patria inter reliqua
studia ad Insecta (monastica) etiam perqnirenda, de-
scribenda, dignoscenda, commilitonum sensim excita-
ri curam & cogitationem; nisi enim me fallit conje-
cturæ jucunditas, hinc futurum auguror, ut abjectis-
simis quidem in rebus etiam agnoscamus supremi ar-
tificis manum & sapientissima consilia. Quinque hoc
pacto, omni in eum pietati, nostro satisfacere officio
conati fuerimus, haud præclusa, opinor, nostræ di-
ligentie, adtentisque in rerum omnium nexus animis,
via erit, ad ea invenienda remedia, que Insectorum,
(Monachorum) quibuscumque noxis recte opponamus;
immo spes tum nobis affulget, fore; ut quemad-
modum cetera divinæ virtutis munera, ita Insecta
(Monachos) quoque ad eos fines ususque converta-
mus, quos si assequi ubique poterimus, rerum in u-
niversum omnium creatarum nullam nocuisse intelli-
gemus.

Linnæus,

de noxa insectorum.

JOANNES PHYSIOPHILUS

L E C T O R I
SALUTEM.

A tempore, quo purgata a sophisma-
tis Peripateticorum mediique ævi
crepundiis Philosophia, in pristinum, di-
gniorem matre omnium artium, splen-
dorem restituta fuit, Historiæ natura-
lis studium quoque maxima cepit incre-
menta; Summi enim viri, in cognitio-
nem & cupiditatem amœnissimæ hujus
scientiæ tracti, eam, resectis commen-
ticiis, fabulis remotaque obscuritate,
paulo subtilius excoluerunt; varias re-
rum omnium procreaticis classes perva-
gantes, cuncta, quæ sive in superficie
terræ crescunt & vegetant, aut in vi-
fce-

sceribus telluris coagulantur , accuratius examinarunt , unitisque viribus obscuriora scrutantes , inventa sua cum orbe literario continuatis curis communicaunt , & corpora quæ nos fovent , tumentur , curant , sanantque , scriptionibus philosophicis illustrarunt , ita ut vix intentatum aut intactum quidquam superesse , & messe facta , jam in spicilegium tantum veniendum esse videatur.

Rem actam agerem , si viros recenserem , colligendo , definiendo & distribuendo totius rei naturalis apparatus , de naturæ studio optime meritos , aut nomina eorum adferrem , qui unam solum naturæ classem , aut genus unum corporum , præsertim organicorum , peculiari studio pertractarunt . Id vero tibi , L. B. reticere nequeo : mihi a teneris ad naturæ studium non impulso tantum sed etiam lacesito visum quoque fuisse , omnem prope de naturæ ope-

operibus scribendi materiem exhaustam,
& vix reliquum esse aliquid, cuius neque scientiam neque explanationem ha-
beremus, cum, nescio quo fato, in
memorabile illud Solonis dictum inci-
derim: *Nosce te ipsum.*

Aurea hac sententia perculsus in
hominem hominisque diagnosin atten-
tius indagavi, species varias anthropo-
morphas cum homine comparavi, &
ecce! inopinato genus novum detexi,
quod hominem, entium creatorum per-
fectissimum, cum simia, stultissimo ani-
mali, connectat arctius, tantumque hia-
tum hominem inter & simiam repleat:
Monachum puto, genus humanam for-
mam mentiens, quamvis diversissimum
ab homine.

Longe absunt ut eos, qui historiæ
naturalis scientiam profitentur, inad-
vertentiæ arguam, quod versantem
quo-

quotidie sub oculis Monachorum gregem
propius examinare hunc usque in diem
neglexerint , cum hominis vultus &
figura , quam præfert Monachus , er-
rorem facile excusat , & quorum scien-
tiam de omnibus fuisse constat , eorum
ignoratio de aliquo purgatio debeat vi-
deri. Mihi vero non possum non ap-
plaudere , studio meo operaque tan-
dem novum latissimumque apertum esse
campum , in quem excurrant Naturæ
scrutatores , industriam suam exercita-
turi , & me quoque opportunam naëtum
esse occasionem , rem naturalem ampli-
andi & pro viribus meis promovendi.
Non equidem tantum mihi sumo , ut
eum esse me putem , qui materiam hanc
absolvat , & Monachorum innumerabi-
lem exercitum in compendium redigat ;
præsertim cum eruendi prius sint gene-
ris hujus & specierum genuini charac-
teres , & colligenda omnia , quæ de na-
tura singulæ speciei innotuerunt ; id
quod fieri nequit , donec Naturæ stu-
diosi omnes totius orbis Monachos sibi

occurrentes aut notos, ad leges systematis majori diligentia descripferint. (•)

Interea, & usque dum excitati ad studium Monachologiæ votis & hortatibus

(*) Si Hierarchy universa ad methodum Mammalium Linnæi ordinanda esset, Monachos ad Bruta referendos esse mihi videtur. Sed filo ariadneo munitum esse oportet eum, qui ex hoc labyrintho extricare sese posset; Genus Monachorum fors in familias tres, seu in Monachos sarcophagos, ichthyophagos. & phytiphagos distribuendum?

Characteres specierum desumendi a Capite, Pedibus, Ano, Cucullo, Vestiitu.

CAPUT est vel pilosum vel setosum, vel rasum; variat capillitio hæmisphærico, corolla pilosa, fulcata; **Mento** imberbi vel barbato.

PEDES calceati, subcalceati, nudi.

CUCULLUS aut versatilis, aut laxus, aut mobilis; & dein acuminatus, infundibuliformis, cordatus, brevis, elongatus, apice truncato, vel subulato &c.

B

bus meis annuant Physiologi; manipu-
lum Monachorum methodo linnæana
ex-

ANUS nudus, semitectus, tectus.

VESTITUS. Vestis & Tunica, in qua adnotetur panni species, color, & an lata aut stricta. *Scapulare, latum, strictum, pendulum, ligatum, obtusum, laticaudum; Collare, adsutum tunicae, latum, rigidum, nullum; Scutum — appendix cuculli — pectorale & dorsale, ejusque figura; Manica, æqualis, angusta- ta, larga, fuccosa; Pallium, longum, breve, pli- catum, æquale; Tegmenta interiora, Indusium, Interula &c. Cingulum, latum, teres, coriaceum, laneum, linteum, nodosum &c.*

Observeatur porro: Clamor seu sonus, an melodus vel ingra- tus, cantans vel orans, gutturalis vel nasalis, clas- mosus vel murmurans, flebilis vel hilaris, gruniens vel latrans? &c. Incessus, an tardigradus, festi- nans, ignavus, durus? — &c. Habitus totius Mo- nachi; num austerus vel lascivus, rusticus vel gra- cilis, gravis vel levis, modestus vel hypocrita &c. Mores: tempus clamoris, silentii probationis, oc- cupatio. Viens & Potus; Odor; Locus habitationis; Metamorphoses; Species hybridae, e. g. Servita sep- tritonalis; Varietates sub diverso Climate; Adda- tur historia speciei, ortus, abolitionis, & differentia sexus.

exactius definire tentavi, quem in hoc
specimine tibi, amice Lector! offero.
Nec inutilem aut præcocem laborem
meum credes, si in animum induxeris:
Principes olim, invita & dissuadente
quamvis œconomia natura, extermini-
nandis venatui & segeti nocivis anima-
libus, lupo, accipitre, passere &c. oc-
cupatos, jam eo curas omnes converte-
re, ut noxiæ humano generi Monacho-
rum species extirpentur, foreque ut
scriptores seculi nostri, qui deperituras
has species solerti determinare præ-
termiserunt, a posteris summæ incuriæ
accusentur, si futura ætas, deficienti-
bus certis uniuscujusque speciei chara-
cteribus, conservandas fors sculptas aut
pietas Monachorum effigies a se invi-
cem distinguere, certoque nomine de-
finire in vanum laboraret, & ad vagas
ac fluctuantes, quæ de Monachis ex-
stant, descriptiones relegaretur.

His, quæ addam , non habeo; &
si haberem non adderem, ne ultra præ-
fationis limites excurram.

Dabam Augustæ Vindelicorum
28. Decembris. anno Chr.

1782.

TER.

TERMINI MONACHOLOGIÆ
ET
EXPLICATIO TABULARUM.

Tabula I.

- f. 1. *Caput pilosum, cum macula nuda in vertice.*
- f. 2. *Caput setosum, sulcatum corolla linearis.*
- f. 3. *Caput rasum, capillitio hemisphærico.*
- f. 4. *Caput rasum, corolla pilosa continua.*
- f. 5. *Caput rasum, corolla pilosa interrupta.*
- f. 6. *Velum Monachæ.*
- f. 7. *Velum faciem operiens.*
- f. 8. *Cucullus versatilis.*
 - a. *Margo sinuatus et dorsum gibbosum cuculli versatilis.*
 - b. *Cuculli facies posterior apice truncata.*

Tabula II.

- f. 1. *Cucullus versatilis ad latus dextrum protractus.*

- f. 2. *Cucullus laxus latior*, ~~MAJUSCULAT~~
f. 3. *Cucullus rigidus brevis, punctato-squamatus.* ~~MAJUSCULAT OBLITERATA~~
f. 4. *Cucullus laxus brevior.*
f. 5. *Cucullus laxus pallii, absorbens cucullum laxum tunicæ.*
f. 6. *Cucullus mobilis, subcordatus, demissus.*
f. 7. *Cucullus mobilis, infundibuliformis, caput tegens,*
f. 8. *Demissus.*
f. 9. *Cucullus mobilis, subcordatus, caput operiens.*
f. 10. *Scutum pectorale subrotundum.*
f. 11. *Scutum dorsale angulatum.*
f. 12. *Scutum dorsale cuspidatum.*

Tabula III.

- f. 1. *Cucullus mobilis acuminatus.*
f. 2. *Scutum dorsale linguiforme.*
f. 3. *Manica æqualis lata.*
f. 4. *Manica æqualis replicata, seu retusa.*
f. 5. *Manica angustata.*
f. 6. *Manica larga.*
f. 7. *Manica saccosa.*

f. 8.

- f. 8. *Manica fasciata*.
f. 9. *Scapulare strictum*.
f. 10. *Scapulare latum*.

Tabula IV.

- f. 1. *Scapulare obtusum*.
f. 2. *Scapulare signatum*.
f. 3. *Scapulare lauticaudum, anticum*.
f. 4. *Scapulare laticaudum, posticum*.

Tabula V.

- f. 1. *Cingulum teres seu funis trinodosus linneus*.
f. 2. *Cingulum teres seu funiculus linneus duplex et quinquenodosus*.
f. 3. *Anus semitectus praetexta pannea*.
f. 4. *Anus caligatus*.
f. 5. *Sandalium pedis subcalceati*.
f. 6. *Calceus pedis calceati*.

Tabula VI.

- f. 1. *Cingulum coriaceum cum fibula ferrea.*
- f. 2. *Cingulum laneum.*
- f. 3. *Anus semitectus prætexta linteæ.*
- f. 4. *Crepidæ lignea.*
- f. 5. *Crepidæ coriacea.*
- f. 6. *Planta pedis lignea.*

3.



2.



1.



8. a.



5.



4.



8. b.





7.





6.













1.




2.




3.




4.





1.




2.



3.



4.




5.




6.






1.



2.



3.



4.



6.



5.



MONACHUS.

DEFINITIO. Animal anthropomorphum; cucullatum; noctu ejulans; sitiens.

DESCRIPTIO. Corpus Monachi bipes, erectum, dorso incurvato, capite depresso; seniper cucullatum & undequaque vestitum, si in speciebus quibusdam caput, pedes, anum, manusque nudas excipias. Cæterum: animal avarum, fœtidum, immundum, siticulosum, iners, inediām potius tolerans quam laborem. Oriente occidenteque sole, præsertim vero noctu, congregantur Monachi, & uno clamitante clamant alii; Ad sonum campanæ concurrunt omnes; Incidunt fere semper bini; Vestiuntur lana; Vivunt e rapina & quæstu; Mundum sui tantum causa creatum esse prædicant; Coeunt cladestine, nuptias non celebrant, fœtus exponunt;

In propriam speciem sœviunt, & hostem ex insidiis aggrediuntur.

Sexus alter a mare vix differt, nisi capite semper velato, sed Monachæ mundior, minus siticulosa, e domo, quam mundam servat, nunquam prodit. JunIOR ludibunda omnia arripit, undeque circumspicit, mares nutitando salutat. Adultior & anescens mordax & maligna evadit, irata maxillas ore hiante exagitat; Monachæ vocatæ respondent: Ave; Data venia garriunt promiscue, tinniente campana abrupto sermone obmutescunt.

DISTINGUISHING DIFFERENTIA. Homo loquitur, ratiocinatur, vult. Monachus, mutus nonnunquam, ratiocinio & voluntate caret, regitur enim tantum arbitrio superiorum, Hominis caput erectum, *Os homini sublimi dedit cœlumque tueri jussit* & erectos ad sidera tollere vultus; Monachi caput depresso, oculis in terram dejectis. In sudore vultus panem quærit homo; Monachus otiosus laginatur. Homo inter homines habitat; Monachus solitudinem quærit, & se se abscondit, lucifuga. Unde patet: Monachum genus esse mammalium distinctum ab homine, medium inter hominem & simiam, huic proximiorum,

rem, a qua vix non voce & victu differt. *Simia quam similis turpissima bestia vobis!*

LOCUS. Habitat sponte versus Austrum, coacte versus Septentrionem ; multiplicatis Speciebus feraci monstrorum Africæ vix cedens.

USUS. Terræ pondus inutile. Fruges consumere nati.

I. MONACHUS BENEDICTINUS.

Monachus benedictinus : imberbis ; Capite setoso , corolla linearis sulcato ; Pedibus calceatis ; Ano caligato : Veste nigra lanea corpus totum & pedes circumambiente ; Cucullo laxo , subrotundo , lato ; Scapulari pendulo , plano , latitudine abdominis ; Collari rigido , albo - emarginato ; Cingulo lato laneo aut holosericeo ; Pallio nigro descendente usque ad talos . Tegmentis internis plerumque nigris , indusio e manica , angustata ad radicem manus , prominulo .

Habitus Monachi benedictini gracilis , incessus tardigradus , capite minus depresso .

Clamat ter quaterve de die & media nocte , nonnunquam primum ad cantum galli , sono profundo , tardo ; & tum induitur tunica crispo - plicata , lata , manicis largissimis , caput vero tegit bireto quadrangulari .

Omnivorus ; jejunat raro ; hora quarta post meridiem sitit , & ad *baustum* convocatur ; Auri sacra fame vexatur ; nummos studiose conquirit , & in ærarium congerit . Nonnulli vegetant tantum , alii studiis delectantur , e. g. Congregatio Mauri in Gallia .

Ex-

Extra domum deponit cucullum (*) & scapulare cingulo ligat; caput contra aeris injurias pileolo cristato, & pileo biplicato tuetur.

Fœmina caput velo subtus albo, supra nigro, & frontem, genas, pectusque sudario albo abscondit.

Varietatis utriusque sexus infinitæ, in loco natali describendæ, ignotis veris characteribus.

Habitat in collibus, *Colles Benedictus amabat.*
Peregrinus in urbibus.

II.

(*) Connectit Ecclesiasticos cucullo destitutos cum Monachis cucullatis; *Natura non agit per saltum.*

II. MÒNACHUS DOMINICANUS.

Monachus dominicanus, imberbis; capite raso, corolla pilosa, lata, continua; Pedibus calceatis; Ano caligato; Tunica lanea textili alba, loro, tres digitos lato, cincta; Cucullo versatili, versus cervicem gibbosum, margine sinuato, ad apicem obtuse truncato; Appendice cuculli, seu scuto pectorali, rotundato, dorsali acuminato, cum futura longitudinali utrumque hoc scutum dividente; Manicis æquilibus latis, replicatis; Collari albo, quod vix appetet, cum potissimum mentum crassum & adeps nuchæ cervicis in truncum corporis excurrat; In lucem prodiens pallio nigro laneo longo, cum cucullo scutoque pectorali & dorsali nigro, inferiorem album tegente, induitur. Tegmentis interioribus albis potissimum, manica interulæ stricta, infra latiorem prominente.

Fratres laici, pallio destituti, cucullum & scapulare nigrum nunquam deponunt.

Habitus Monachi Dominicani hypocrita; incessus lascivus; facies perfida. Latrat media nocte, voce ingrata, rauca.

Eximio olfactu pollet, vinum & hæresin e longinquo odorat. Efurit semper polyphagus,

Ju-

Juniores fame probantur. Veterani, re-legata omni curâ & occupatione, gulæ indulgent, cibis succulentis nutriuntur, mol-liter cubant, tepide quiescent, somnum protrahunt, & ex suis diæta curant, ut esca omnis in adipem transeat, lardumque adipiscantur. Hinc abdomen prolixum passim præferunt; senes ventricosi maximi æstimantur. Virginitatis sacræ osores in venerem volgivagam proni fuunt.

Generi humano & sanæ rationi infestissima species, in cuius creatione non se jaætavit auctor auctor naturæ. Prædam e longinquo speculator, & indicantibus aliis concurrit, eam nisu astuque adsequitur & in accensum rogum compellit; dum circumstans Monachorum, sanguinem & mortem anhelantium, corona miserae prædæ cruciatus insultat, sibique ululatu horrendo & execribili latratu applaudens, spolia inter se dividit. Crudelissimum omnium inquisitorem generalem dicunt, qui obtutu solo enecat. Peñimi in Hispania, Lusitania, & America meridionali. Sed nec nostrates veneno carent, lethales si in clima calidius transportentur. Versipelles, jam albo jam nigro colore vestitos, voluit natura, ut dubii omnes metuerentur ab omnibus; Ne nimium sævirent, creator beneficus humano generi imperantes dedit, qui speciem hanc aut exterminent, aut excantationibus innocuam reddant.

Monacha dominicana præter velum nigrum & mores candidiores non differt a mare.

Sequitur M. D. leges Dominici Hispani, qui primus in genus humanum, annuente summo Pontifice, igne sæviit, & ne deessent, qui rabiem hanc exterminatricem propagarent, seculo 13^{to} ordinem instituit Monachorum, igne & ferro doctrinam prædicantium.

Simbolum speciei canis rabie perculsus, facem accensam præ se ferens, tormenta, rugum, mortemque minitans.

III. MONACHUS CAMALDULENSIS.

Monachus Camaldulensis, barbatus, barba in pectus demissa; Capite setoso, colla linearie sulcato; Ano caligato; Pedibus calceatis, planta calcei lignea; Tunicæ alba, pannea, rudi, pedes lambente; Cucullo rotundo laxo; Manicis æ qualibus latis; Scapulari, tunicæ longitudinem æquante, ligato cingulo panneo albo: Collari stricto, adsuto tunicæ. Pallio albo, lato, corpus totum involvente, ad pedes usque; Interula lanea induit loco, cum cilicio, spinoso nonnunquam, dorsum radente.

Habitus Monachi Camaldulenfis austerus; incensus gravis.

Gregatim cantat septies de die & media nocte, fono gutturali, profundo, tardissimo; Silet domi; Occupatur contemplando; ut ajunt; Vegetat otiosus; Prodit rarissime.

Vicitat piscesibus, ovis, vegetabilibus; tempore jejunii legumina & farinam oleo inquinat; Sitim vino pellit.

Prodiens calceamenta lignea deponit & calceos induit.

Fratres laici loro cinguntur.

C

Fœ.

Fœmina non nisi capite velato a maribus Idi-
screpant.

Habitat in montibus sylvosis.

Obediunt Camaldulenses regulæ Benedicti, e
præscripto Romualdi cuiusdam, qui mo-
nachos tunica alba vestitos per scalam in
cœlum ascendere somniavit, & visione
hac admonitus vestem nigram Benedicti-
norum in albam mutavit. Extincta hæc
species in ditionibus Monarchiæ austriacæ
anno 1782.

IV. MONACHUS FRANCISCANUS.

Monachus franciscanus imberbis; Capite raso, corolla pilosa continua; Pedibus subcalceatis; Ano semitecto; Tunica fusca pannosa; Cucullo mobili, subcordato, brevi; cum appendice seu scuto pectorali subrotundo & dorsali triangulari, de currente infra funem trinodosum linteum album, quo bis cingitur abdomen; Manicis æqualibus, amplis satis, ut intra eas manus abscondantur; Scapulari nullo; Pallio fusco infra anum finiente, connexo fibula osssea circum pectus. Interula pannæ induſii loco cutem fricat, cui circa nates adligatur prætexta pannæ, ad genua fere porrigenſ.

Habitus Monachi franciscani rusticus; incessus mensuratus; Tunica undequaque fæculis scatet; cucullaribus, quo comestibilia abscondit; axillaribus, in quibus fermentat tabacum; pectoralibus, pro pixide; manicalibus, pro strophio conservando. Hircum olet; Auri & argenti cõtempor ventrem tantum curat, quem bis quotidie carne aut piscibus replet; Ruminat interdiu otiosus; Mendicans benefactoribus detracto cucullo herbam nicotianam porrigit; Icunculas, schedulas triquetras, amuleta, aliasque hujus farris nugas, mira metamorphosi, in vinum &

cibum transmutat. Dimicat cum suis, & hostem non raro clam trucidat.

Cantat saepius de die & nocte media usque ad crepusculum, voce alta clamosa.

Corporis vires juniorum per annum unum probabantur; species spuria, quam Hybernam dicunt, intellectum quoque excolit.

Monacha Franciscana tela nigra caput velat; ceterum mares imitatur.

Affeclarum hujus ordinis innumeræ varietates, obscuriores, moribus, vestitu & habitu diversæ.

Habitat in oppidis & urbibus.

Genuinus Francisci filius, & æternus, si fides habenda Patri Franciscanorum, qui divino numine se afflatum putans, prædictum: interitum prius genus humanum, quam hanc speciem; ne fors turbetur œconomia Naturæ, cum, vel sublata unica cimicis specie, catena, qua creaturæ omnes cohærent, rumperetur.

Primum laborum Francisci socium Porcum fuisse annales speciei narrant. Dubius enim Franciscus, qua ratione persuaderet Innocentio III, ut suam vivendi rationem approbet, suem vidit in luto se volitantem, cuius exemplo tractus luto quoque se immersit, & derelicto dein comite lutosum sese summo sacerdoti ostendit; qui motus hac pietate legibus Francisci benedixit ad initium Sæculi 13ⁱⁱ. Ita Sus Minervam.

V. MONACHUS CAPUCINUS.

Monachus capucinus; Mento, genis & margine oris superiore barbatis; Capite raso, corolla pilosa ad sinciput interrupta; Pedibus subcalceatis; Ano & collo nudo; Tunica fusca, pannosa, frustis panni abrasi undequaque adsutis, cum plicis duabus abdominalibus. Cucullo mobili, elongato, acuminato, versus apicem subulato, infundibuliformi; Manicis æqualibus latis, brachia villosa tegentibus; Scapulari nullo; Fune linteo albo trinodoso; Pallio ad annum abrupto, quo dorsum, abdomen & manus involvuntur. Tegmentis interioribus nullis.

Habitus Monachi capucini miser; incessus ignavus; facies torva, Simiæ satyro maxime affinis. Odorem teturum spargit. In cucullo & loculis sub axillis omnia abscondit & conservat. Tunica replicata absque impedimento cacat & mingit, annum fune abstergit. Dorsum facile flebit, & ad nutum magistri procumbithumi. Aurum & argentum non tangit, sed venatur pediculos, quibus vexatur, & quos non occidit; pugnat tamen cum confratribus. Rabies irati mitigatur, si mulceatur barba, quam summa cura pascit. Ejulat fixis diei & noctis temporibus, sono nasaliter ingrato. Vorat & bibit omnia, silet sa-

pius, vix cogitat; Esuriens prodit & cibum mendicat. Stramenta pro lectulo congerit.

Monacha capucina velo superiore nigro, inferiore albo, utroque ad frontem subcordato; Collo nudo; Pectore sudario albo munito.

Juniores bajulando ligna, mundando utensilia, verrendo quisqulias, terram lambendo anno uno probantur, ut innotescat; quid valeant humeri, quid ferre recusent.

Fratres tertiarii, capite setoso, velut larvæ, nondum totum Monachum induerunt, & cuçullo destituuntur.

Habitat in oppidis, etiam urbibus sese intrusit.

Soboles Francisci, reformata a Matthæo Bassi.

VI. MONACHUS AUGUSTINUS DISCALCEATUS.

Monachus augustinus discalceatus, imberbis; Capite raso, corolla pilosa continua, pileolo nigro rotundo quinquepartito; Ano semitecto; Collo nudo; Pedibus subcalceatis; Tunica nigra pannea, lata satis, loro nigro, cuius frustum liberum ab umbilico infra genua descendit, lumbos circum constricta; Cucullo mobili, brevi, subcordato; scuto pectorali rotundato, dorsali vero in angulum acutum coarctato; Manicis æqualibus ad manum retusis; Pallio nigro ad femora usque porrecto, officulo albo connexo; Indusio laneo.

Habitus Monachi augustini discalceati imbecillus, facies crapulenta, incessus titubans. Cantat de die nonnunquam, & media nocte, sono melodo, alto; interdiu otium inter & crapulam marcescit. Vindobonensis intestina Principum, aromatibus farcta, custodit.

Carnivorus; insedabili siti cruciatur, sed hydrophobus aquam non fert; dum vero sitim aridam, miserum torquentem, vino sedare cupit, sitis altera crescit. Vino sepultus vinum somniat. Gemmante vite lætius cantat.

Hebetato per vinum largius haustum stimulo,
segnis in Venerem; sexum alterum neg-
ligit; hinc rara Monacharum hujus spe-
ciei cœnobia, nulla vero in Germania
vitifera.

Habitat in urbibus & pagis prope sylvas.

Regitur legibus Augustini, a Thoma quodam
lusitano, an in melius an in pejus? refor-
matis sæculo 16^{to}.

VII. MONACHUS TRINITARIUS.

Monachus trinitarius, imberbis; Capite raso, capillitio hæmisphærico; Pedibus subcalceatis; Ano semitecto; Tunica pannæa, alba, loro nigro, ad marginem scapularis prominulo, ligata; Cucullo laxo, albo, cum scuto pectorali brevi rotundato, dorsali vero longiori cuspidato. Scapulari stricto, tunica breviore, signato. Manicis æqualibus replicatis. Pallio fusco, femora versus demisso, cum cucullo fusco, cucullum album tunicæ absorcente. Scapulari & pallii latere sinistro cruce rubra & cærulea signatis; Indusio & prætexta lanea.

Habitus Monachi trinitarii gravis; Incessus properans; Facies exotica. Clamat media nocte voce diffona, ingrata; Domi ichtyophagus; extra septa monasterii, quamprimum aquam, sicco quamvis pede, transiit, polyphagus, intestinis animalium semper vescitur, & inde Gallis *Mange-trippes* audit. Carnem humanam appetit, nundinatione hominum occupatus. Europæos spoliat, prædamque piratis Africæ & Asiæ advehit, servos emturus. Ex Oriente redux senectam, seu barbam, induit.

Peregrinantium & nundinatorum more propria
uxore caret — nisi fors in Hispania æ-
stuante climate — & aliena utitur. Ma-
ritus , cuius domum monachus Trinita-
rius subit, cornigeri cervi meminerit, qui
Patres speciei , Joannem de Matha & Fe-
licem a Valois, semper comitatur, om-
nesque imminentis periculi admonet. Pa-
tres hi, cervi hortatu , affeclas suos, ut-
pote a reliquis Monachis victu & mori-
bus jam dissentientes , separarunt & in
propriam speciem coegerunt , saeculo XII.

Absoluta migratione hybernat in urbibus.

VIII. MONACHUS CARMELITA CALCEATUS.

Monachus carmelita calceatus, imberbis; Capite raso, corolla pilosa continua; Pedibus calceatis; Ano caligato; Tunica fusca pannea, loro nigro ad umbilicum infra scapulare latum conficta; Cucullo laxo, lato; Scuto pectorali brevi, rotundato, dorsali triangulari, apice anum attingente; Collari panneo fusco; Manicis æqualibus latis; Pallio albo, laneo, tunicam æquante, cum cucullo laxiore & scuto dorsali & pectorali subrotundo, omnia tunicæ inferioris additamenta tegente. Indusio lineo, interula pannea.

Habitus Monachi carmelitæ calceati robustus; facies vegeta; frons impudica; humeri ampli, incessus durus.

Saginatur carne. Clamat de die & noctu voce aspera,

Pugnax & libidinosus jurgia & rixas quærit, ad ineunda cum singulis suæ speciei Monachis certamina proclivis. Irato obviare periculum est. Sed & nocturnas rixas amat & Veneris certamina. Genitalibus maximis gaudens, præsertim in Gallia, mulieribus facile vim infert.

Monacha sequentis speciei huic quoque Car-
melitæ servit.

Habitat in urbibus.

Originem a Monte Carmelo dicit, & se filium
Eliæ & Elisei esse jactat; sed degener al-
tæ virtutis patrum est, si quis unquam!

IX. MONACHUS CARMELITA DISCALCEATUS.

Monachus carmelita discalceatus, imberbis; Capite raso, corolla pilosa continua; Pedibus subcalceatis; Ano semitecto. Tunica fusca, pannea, ligata loro nigro, lato, infra scapulaire strictum, obtusum, tunica brevius. Cucullo laxo, lato, sinuato, cum scuto pectorali subrotundato, dorsali acuminato; Manicis æqualibus replicatis; Pallio albo panneo ad genua porrecto, cui adhæret cucullus laxus, subversatilis, & scutum pectorale fere rotundatum cum dorsali triangulari. Indusio & prætexta lanea.

Habitus Monachi carmelitæ discalceati modestus fatis; incessus tardigradus, passibus quasi numeratis.

Piscibus, ovis, lacticiniis & farina nutritur, abstinet a carne. Cerevisiam omni potui præfert, sed & vinum quotidie gustare cogitur. Cibo satiatus ex instituto dormit, clamat vero media nocte voce monotona, profunda. Juniores pediculosi e cœtu ejiciuntur.

Monacha carmelita, austerior nonnihil, præter caput faciem quoque velat, & in concionem convocata pallio longiori, quam mares, vestitur.

A.

Alii gregatim habitant in urbibus, alii in eremo artificiali subsolitarie vagantur. Hi crepitaculum quasi in cauda gerunt, veluti Crotalus. Quoties enim stimulo carnis aguntur, toties pruritum hunc suum pulsando campanam fratribus annuntiant, quorum unus quisque gratulabundus repetito clangore fausto omni applaudit & sic concupiscentia unius per omnem sylvam centies resonat. Anachoretæ hi barbam pascunt, nec deponunt ex eremo reduces.

Dispersa hæc olim per Asiam species in familias ab Alberto Patriarcha Hierosolymitanō anno 1205 coacta, restituta fuit seculo 1910 a Therelia virgine hispana, qua jubente, sepositis caligis, anum & pedes denudavit.

X. MONACHUS SERVITA.

Monachus servita, imberbis sub cælo initiori, barbatus in terris septentrionalibus, barba bifida, sæpiissime ardenti; Capite raso, corolla pilosa filiformi, ad finem apud interrupta; Collo nudo; Pedibus calcceatis; Ano caligato; Tunica nigra pannea; Cucullo mobili, subcordato, cum adsuto scuto pectorali brevi rotundato, & dorsali triangulari. Scapulari lato, subtus obtuso, libero. Manicis æqualibus replicatis; Cingulo coriaceo nigro, ad pedem sinistrum defluo. Pallio nigro panneo, femora versus abrupto; Pileo lato, rotundo, circum circa caput & humeros obumbrante.

Habitus Monachi servitæ & facies Judæum mentitur; Incessus ignavus.

Cibum & potum omnem appetit. Vicinos noctu e somno excitat clamore gutturali, tremulo.

Avaritia & luxuries in hac specie sedem fixit. Usurator nummos mille modis corradit & custodit. Paupertatem præfert, cum semper egeat avarus. Die Mercurii & Veneris usuræ & libidinis crimina expiaturus, noverca manu in culpæ expertem anum flagellis nodosis sævit.

Im.

Imberbis in Italia, barbam eo fine induit in Germania, ut Josephum Barchi Capucinum, familiarem Mariæ Julianæ Archiducis viduæ, quæ Servitam ex Italia in Germaniam transposuit, in gregem suum alliceret; gnarus: *hircum præscissa barba in alienos greges non transfire.* (*) Hoc pacto Capucinus & australis Servita in unum coaluit, prodeunte ex hoc connubio hybrida Servitæ nostratis specie.

Bigamus; binas enim Monacharum varietates nutrit. Aliæ referatæ, aliæ regulatæ dicuntur; Illæ a Servita Monacho non nisi velo diversæ, neque laborant, neque nent, sed crescunt velut lilia campi; Hæ stella cærulea in fronte, & macula rubra versus mamillam sinistram notatæ, idololatriæ, Mysteria priapeja 26ta cujusvis mensis & sexta Januarii celebrant, (**) Hierophante Servita.

Habitat in urbibus.

Monachus Servita septem mercatoribus italis originem debet, inde Avaritiæ & usuræ studium; Primum cœnobium speciei hujus in suburbio florentino, inde luxuriæ.

XI.

(*) Plinius Hist. nat. I. 28. cap. 13.

(**) Regelbüchel zum Gebrauch des Regelhauses. Druck 1614.

XI. MONACHUS LA TRAPPE.

Monachus la Trappe, imberbis; Capite setoso, fulco linearis circumscripto; Lignipes, calceis enim ligneis incedit. Ano caligato; Cucullo nigro, mobili, acuminato, brevi; Tunica alba pannosa; Scapulari nigro stricto, ligato cingulo nigro laneo; Manicis angustatis; Collari rigido albo; Indusio laneo. In concionem convocatus calceis induitur & tunica latissima alba, manicis largis, cucullo linguiformi, elongato.

Habitus Monachi la Trappe lugubris; incessus lente festinans; obtutus meditabundus.

Misanthropus, hominem & propriæ speciei individua fugit, oculis semper terræ affixis.

Mutus, ejulat corpore contortuplicato saepius de die & noctu, sono murmurante flebili.

Phytophagus, baccis, pomis, pyris, rapis, oleribus nutritur. Succo e fructibus carnosis expresso potatur.

Grex Monachorum, quos aut perfidus & venarus amor, aut omnium rerum amissio & desperatio recuperandi, aut vita tedium

in cœtum unum congregavit. Re nulla terretur Latrappius. Meliora non expectanti mori optimum videatur; In fordinibus, lamentis, luciisque continuo jacet; dormit in tumba; sapientiam, quæ ab iis, qui desperant, recedit, stultitiam esse asserit. Aegroto remedia non porrigitur, desperatis enim medicinam adhibere verat Hippocrates. Moribundus cineribus imponitur & circumstantibus confratribus, quorum unusquisque miseri fato invidet, exspirat.

Destructionem, non vero sui multiplicationem in votis habet; nec sexum alterum cognoscit.

Solus ex omnibus Monachis laborat, arat, terraque fodit; sed fructu laboris sui fruuntur superiores speciei, qui laute vivunt & prandent. *Sic vos non vobis fertis aratra.*

Benedicti nepotes, Bernardi filii, e Cistercio in desertum profugerunt mente capti & extra spem omnem positi. Cœnobia speciei hujus rectius asyla desperantium dices, & amentium ergastula.

XII. MONACHUS PAULANUS.

Monachus Paulanus, imberbis; Capite piloso, cum macula rotunda nuda in vertice; Pedibus calceatis; Ano caligato; Tunica nigra panniculosa lata; Cucullo triangulari mobili, puncato-squamoso, rigido, e panno duplici acu coadunato, ita ut caput cucullo tectum cataphractum videatur; Collari nigro, albo-emarginato; Manicis largis, ad radicem manus replicatis, ad cubitum saccosis, inepte satis ad genua usque defluentibus; Scapulari latto, subtus rotundato, antice ad genua usque, postice infra genua descendente, laticaudo; Scapulare hoc utrinque futura longitudinali dividitur in partes duas æquales & secatur futura transversali triangulari, angulo antice sursum versus pectus, postice deorsum versus anum posito. Cingulum laneum teres, cum decurrente per pedem dextrum funiculo duplici quinquerodofo, ad mammillam sinistram colligatum, tunicam & scapulare stringit. Indusium, interula & tunica, quam nec noctu deponit, oleum, quod corpus transpirat, redolet.

Habitus M. P. luridus; incessus ineptus, fluctuans; odorem exhalat rancidum, qui stomachum movet, & nauseam ciet, velut oleum effusum. Nil fœtidius crepit-

tu ventris, quem explodit. Pediculis, pulicibus, omnisque generis insectis, quæ oleo fugantur, caret.

Cantat media nocte, voce clamosa: de die sterit, aut, occupatus in otio, oleum operamque perdit.

Respusit carnes, laetificinia, ova; Vescitur piscibus, & vegetabilibus, quæ oleo ungit. Culinam hanc suam fœtidam reparat nonnihil avibus aquatilibus: Fulica atra, Mergo albello, Anate querquedula, quas pro piscibus habet, & dein rana, testudine &c. Siti inextinguibili & stimulo carnis continuo vexatur.

Fors androgynus, sexus enim alter in hac specie nondum detectus.

Fratres laici distinguuntur Scapulari antice longiori & postice breviori.

Habitat in urbibus & oppidis.

Nata hæc species in Calabria, patria oleæ, patre Francisco a Paula, obstetricante Alessandro VI. Pontifice, seculo 15to. Franciscum hunc, totum quantum oleo mace ratum, aquæ supernataffe inter miracula ferunt; sed quis nescit oleum aquæ innatae?

ALETHHOSTOMUS PHYSIOPHILUS

S. P.

Scriptorum tuorum genus et si erat semper a me vehementer expectatum, vicit tamen opinionem meam Monachologiæ specimen, quod per tabellarium nuper accepi; legi, & relegi; Nec potuit relegendis attentio languescere tot capta blandimentis, tot excitata aculeis. Quam opportune sibilas omnium non bipedum solum sed & quadrupedum ineptissimum genus, monachos; quam festive eos ad mones, quam sulse castigas, quam grata novitate & quantis illecebris moraris lectorem. Id denique mihi placet: te non scrutatum es

se omnes p̄ne monachismi fōdes, ne stomachum moveres; non excusisse unamquamque speciem, ne crebra repetitione fatigares legentes. Venit jam in manus omnium libellus; Magna undique contentio, magai clamores; Disputatur in utramque partem, Hi subtilitatem & elegantiam styli admirari; Sermonem jocosum venustum, purum, politum, plane atticum & ad notandos hominum mores præcipuum, extollere; Summæ dicendi facultati, copiæ, ubertati applaudere; Scriptum denique tuum humanitatis, venustatis, salis, leporis esse specimen; Illi te dicendi genus inopportunum, ambiguum, signum, iniqum amplexum esse; Sermonem esse jejunum, turpem, spurcum, fœdum, impudentem, omni obsecritate & opprobriis refertum; Stylium rudem, negligentem, confusum; Alii te, dilucidam & distinctam historiæ naturalis methodum, quam neque latam neque ornatam nimis esse oporteat, adoptasse, itaque secundum naturam enuntiasse singula, ut ab ipsa rerum magistra verba accepisse videare; omnia vero te quadam hilaritate conspersisse, quæ

ve-

velut condimentum palatum excitat & dum a
rædio defendit orationem, audiendi fitim fa-
cit. Alii te materiam religiosam acriter &
cum convitio tractasse; Jocandi hoc genus il-
liberale, petulans, scurille, flagitosum, &
hominem libero nequaquam dignum esse. Hor-
ridum esse & obscenum, caudam, anum, ge-
nitalia in medium adferre. Quot capita tot
sententiae; Ridet, plaudit, miratur, excusat te
fanior pars, cruciat, exanimat, diripit, & e
Christianorum cœtu exulare vult. Physiophi-
lum pars anterior disputantium; Rigidiores
consulcant frontem; dissertiores ad mensas
publico declamant; male mussitant parum ob-
scarius iniqui: genus hoc scribendi, etli ele-
gans, personæ tamen & dignitatis non esse,
& indicare, moribus aliquid vitii inhærere; Le-
ges canonicas crepant fanatici; Conclami-
tant denique harioli, haruspices, tertiarii,
hypocritæ, aniculæ, præcantatrices, conjectri-
ces & nigra rubigine turba, præeunte, iram-
que numinum evocante Gabriele Weidero,
qui histriioniam facit apud nos hodie, ut olim
Jupiter in Plauti Amphitruone.

Ego in hac dissensione nec jam irritare plures nec contradicere omnibus volo. Docuit enim me experientia vehementes & acres primos plebis impetus paullatim consilio & ratione quasi restinctos considere & evanescere tandem, & hoc exspecto momentum, ut quibuscumque rebus possum, tui absentis dignitatem tuear, id quod etiam amicitiae officium imponit. Fac interea, animo forte sis, speresque fore, ut fracto impetu & gloriæ tuæ accedat incrementum, amplitudinemque nominis tui illustret hominum injuria. Vale.

Dabam Viennæ 3. Julii

1783.

Jo-

JOANNES PHYSIOPHILUS

ALETHOSTOMO SUO

S. P.

A micitia tua ex omni parte in literis, quas
a te proxime accepi, se ostendit, non
ignota quidem mihi, sed eo gratior, quod
consuetudo & studia paria nos a teneris con-
jungant. Nec optatius mihi accidere quid-
quam potuit, quam judicium tuum de Mona-
chologiæ Specimine, cui innixus perfero eorum,
qui de libello male mussitant, imbecillitatem,
contemno dissentientis & imperitæ multitudi-
nis auctoritatem, nec non fugaces & caducas

D 5

ha-

hariolorum, haruspicum & hujus farris homuncionum obtrectationes. Mitto quoque delicatos illos, qui nesciunt: Scrutatores naturæ suo quamque rem nomine appellare, & dudum docuisse Ciceronem: (*) anum & caudam in obscœnia non esse.

Pueri tantum larvas & personas expavescunt, & ideo nihil habeo quod timeam Gabrielem Weiderum vestrum, quem mimos imitari referunt & incedere altero erecto, altero composito, supercilio, idque maxime latus ostendere, quod cum iis, quas agit, partibus congruit; Narrant alii præter hæc eam esse Weideri stultitiam ut nemo hominem, eam inscitiam, ut nemo Sacerdotem appellare possit.

Quam-

(*) Ad familiar. I. 9. c. 93.

Quamvis vero, ut nosti, ex hominum sermone nunquam mercedem petam, non tamen ferreus ille sum, qui non iis responde rem, a quibus provocor. Ascendit, ut audio, nuperrime in rostrum quispiam, & co ram amplissimo Censorum Vindobonensium Senatu impietatis accusavit Physiophilum, quod ex hominum cœtu proscripterit Monachos & placari Numen æternum posse dixerit, etiam si muliebribus religionibus nos non implicemus. Redux Vienna P. Capistranus accusationem hanc e pugillaribus suis exscriptam, & discipu li sui additiunculis interpolatam, mecum com municavit.

Ego meum esse putavi, defensione re pellere accusationem, & manifestum facere omnibus, quod, si cui forte videar plus in studio literarum versari, quam ceteri, nequa quam tamen iis utar, ut animos aliorum deterrem & avocem a religione. Tu, quem fortuna

mihi dedit amicum, in cuius pectus euras
omnes deponam, curabis ut & accusantis in-
juria & excusatio defendantis omnibus inno-
tescat. Vale & me amat.

Dabam Neoburgi 1. Novembr.

1783.

MUL

MULTUM HONORANDISSIME ET
SCIENTIFICE
DOMINE
PHYSIOPHILE!

Est antiquum et in experientia fundatum proverbiū, quod montes et valles nunquam convenient, bene vero homines. Et in istis proverbiis semper latet aliquid veri, sicut statim videbit Dominatio vestra. Ego scilicet jam a longo tempore optavi, ut possim venire in correspondentiam cum D. V., cuius spiritum & intellectum multum præconisavit mihi R. P. Capistranus a Mulo Antonii, qui est meus consanguineus; & quia habemus eundem S. Patrem pro fundatore (Ego enim

sum

sum humilis franciscanus stricioris observantiae, & ille est laxioris observantiae, quia caligas portat & calceos, & nigrum habitum & etiam funem minus crassum, & non toties jejunat sicut nos franciscani, & in choro non tam fortiter clamat sicut nos) ideo sumus dupliciter cognati invicem, semel carnaliter et altera vice spiritualiter; sic multam confidentiam ponit in me antefatus P. Capistranus, & quando venio in hanc civitatem pro collecta, sic semper ipsum visito & me multum amat. Tunc accedit, quod anteheri fuerim ordinatus a R. P. Quardiano conventus nostri — qui aliquot milliaribus ab urbe distat — ut eam in civitatem pro mendicatione lardi, & sic etiam visitavi hunc meum carnalem & spiritualem Patruelem, quem inveni in lecto propter indigestionem, quæ est ejus infirmitas ordinaria; nam, inter nos sit dictum, est parum vorax, & isti fratres conventionalium fere omni altero die habent duplex, quia celebrant Festa Ordinis & Sanctorum tam stricioris quam laxioris observantiae, quod nos franciscani non facimus, quia Sancti ex ordine

con-

conventionalium juxta nostram opinionem sunt
 viliores quam nostri ; qui sumus veri filii
 Francisci & illi tantum sunt spurii, vel potius
 profelytæ ; & ideo etiam semper in proces-
 sionibus & funeribus habemus præcedentiam
 & etiam in conciliis, quando suæ Sanctitati
 placet convocare concilium generale Ecclesiæ.
 Itaque quando me vidit, statim mihi porrexit
 manum & mihi illam pressit & exclamavit :
 Bene est, quod hic sis Pater Onuphrie ! Ego
 me non possum levare e lecto, & ideo te ro-
 go, ut scribas Amico meo D. Physiophilo, &
 ipsi dicas meo nomine, quod acceperim per
 aliquem bonum amicum orationem istam, quam
 tenuit Viennæ persona aliqua characterisata &
 etiam ecclesiastica coram censura regia contra
 librum : Specimen monachologij ; quam ora-
 tionem eidem accludes, & quia habeo fidu-
 ciam in te, ideo rogo ut citissime hanc com-
 missionem facias ; quod etiam cum multa de-
 lectione pollicitus sum, & tantum adhuc
 visitavi aliquos benefactores, qui hic sunt ra-
 ri, quia in ista civitate sunt multi hæretici,
 Lutherani & Calvinistæ & etiam Herrnhute-

ria.

riani, quos Deus benigne velit convertere, nam isti sunt pessimi, quia neque credunt in Deum Patrem, Filium & Spiritum sanctum, & praeter baptismum non cognoscunt alterum sacramentum; breviter sunt hic mala mixta bonis, & boni sunt rari, parum enim dant elemosynæ, & saepe per totum diem non possum extorquere tres aut quatuor libras lardi; Tunc quando veni ad meam hospitissam, ubi semper dormio, sed in omni honore, quia est vidua respectabilis & tertaria nostri ordinis in fama sanctitatis, sic statim accepi plumam & scripsi. Sed quando volui includere orationem: Ecce! vidi quod sit germanica; & tunc dubitavi, an V. D., quæ est nata in Westphalia ut audio, etiam comprehendat linguam germanicam; igitur statim, relicta sententia minus probabili, tutiorem secutus sum, & stante pede hanc orationem in latinum transposui; sed sub scribendo variæ objectiones & argumentationes & dubitationes mihi occurserunt, quas semper ex parte adnotavi, & inde non mirabitur V. D. si hic simul inveniet commentarium philologicum, ubi pro

meo

meo tenui modulo philosophica, historica, polemica, moralia & etiam theologica congeSSI. Miror, quod isti Viennenses sint tanti germanici Michaeles, & non sciant scribere latine.

Rogo denique pro mea ista opera ut V. D. velit me etiam r/commendare P. Capistrano, ut mihi aliquando concedat stipendia pro missa, si aliqua habet superflua, quod suspicor, quia habet multos benefactores; Ego valde indigem pro jentaculo & strophiis, & tabacco; & in nostra parva civitate P. Quardianus & Superiores, qui habent aliquam dignitatem, statim omnia stipendia ad se trahunt, & nobis pauperculis nihil relinquunt. Certo etiam faciam unum Memento in Missa pro Dominatione vestra, & Deus millies recompensabit. Cæterum lætor quod habuerim occasionem, ut ab initio dixi, innotescendi V. D. quod non fieri potuisset, si ipsa fuisset mons, & ego vallis, quod erat demonstrandum. Recom-

E men.

mendo me humillime suis precibus & benevolentiae

Dominationis Vestræ

Augustæ Vindelicorum
5ta Octob. 1783.

humillimus servus

Fr. Onuphrius

at tentationibus Antonii Eremitæ,
p. t. Studiosus Theologiæ
in primum annum.

P. S. Ut cito & secure perveniat ista epistola ad D. V. signabo eam ab extra cum litteris S. A. O. P. N. quod est idem ac: S. Antoni de Padua ora pro nobis, qui Sanctus est valde bonus pro rebus perditis, ut cito iterum inveniantur.

ACCUSATIO
SPECIMINIS
MONACHOLOGIAE
CORAM REGIIS CENSORIBUS VINDOBONENSIBUS.
IN
LATINUM TRANSPOSITA

A

FRATRE ONUPHARIO

O. S. F. ST. OB.

Ego deberem esse nimium longe excurrens,
 Si coram vobis omnia elogia adducere de-
 berem, quibus illuminati & pii Patres Eccle-
 siæ in omnibus temporibus regulares ordines
 honoraverunt & recommendaverunt. (1) E 2 di-

(1) Observabit Dominatio Vestra, quod statim ab ini-
 tio Orator ordines régulares cum monachis confun-
 dat. Et tañen saepè nobis dixit P. Pachomius ab
 aratro Procopii, Magister Novitiorum — qui fuit
 vir vere spiritualis & doctus, & valde bonus ami-
 cus meus, cum quo saepè vesperi me in Domino
 cum poculo vini delectatus sum — quod omnia
 quæ bona & pulchra de Regularibus apud sanctos
 Patres dicuntur, de monachis tantum valeant, &
 non de iis Regularibus ; qui non habent caputia
 cum liripiis, & qui non habent privilegium men-
 di-

Cyprianus (*) vocat sanctas virgines, florem ecclesiasticæ plantæ, ornamentum gratiæ spiritus, & partem nobiliorem christiani gregis. (2) Gregorius Nazianzenus, quando pro monachis loquitur, dat iis testimonium, (**) quod illi cum zelo suæ orationis, & cum merito suarum virtutum christiano populo pro honore, ecclesiæ pro basi & columna, fidei pro corona & omnibus pro sustentaculo totius sint.

dicantium justo titulo a sanctis Pontificibus ; Ergo hic erravit longe Orator, & debuisset melius distinguere, quia, qui bene distinguit bene docet, dicit R. P. Lector.

(2) Præstanter dicit ; Ego quidem multum amo has Virgines, & præcipue Clarissas, seu Franciscanas ; Fui nonnunquam visitatum cum P. Confessario moniales, & vidi pulchras, quas magis amarem quam flores, & ornamenta ecclesiastica, e. g. vestem missalem & cappam episcopalem, & omniem gregem christianum. Promisit mihi P. Guardianus, quod finito studio theologico me substituet P. Confessario conventus, super quo ego multum gaudebam & etiam moniales ; Recte etiam facit Orator, ut mihi appareat, quod statim ordiatur a monialibus, quia certe politia exigit, ut de monialibus in ecclesia primum loquamur.

(*) Cyprianus de discipl. & hab. Virg.

(**) S. Gregor. Nazianz. pro Monach.

sint. Hieronymus (*) scribit: esse choros monachorum & virginum sicut flores & sicut pretiosissimus lapis inter ecclesiastica ornamenta. Sed nemo se clarius explicat, quam id Joannes Chrysostomus in suis libris fecit — quos contra impugnatores vitae monasticæ scribebat. Quidecumque tantum ex parte rationis & ex parte religionis adæquatum reperiri possibile est, (3) omne hoc iste tam eloquens episcopus hostibus monachorum & religionis opposuit. Omne hoc prætereo silentio; unum tantum locum non possum non adductum relinqueret, qui, quemadmodum in nostros dies optime quadrat, ita etiam ex uno ore venit, cuius exlocutiones ipsis hostibus monachorum non suspectæ sunt. Est Fleuryus (**) quem tantum in extractu porrigo. „Rationabilis Lector — ita scribit — nunquam se nimium contra damnatas opiniones Protestantium & malorum Catholicorum custodiet. (4) Nomen

E 3

Mo-

(3) Hallucinatur stupendum in modum, vel male se explicat, quia non credo quod bonam causam defendit, qui omnia corradere debet, ut se defendere possit.

(4) Male argumentatur. Etiam ego sum ens rationabile, ut demonstrare possum ex Philosophia, &

ta-

(*) S. Hieronym. Ep. 4.

(**) Fleury serm. 3. in historia ecclesiastica.

monachi est ipsis nomen pudoris, sicut Pagani nomen Christianorum fuit. Dicebatur; Hic honestus vir, o si ille tantum non Christianus esset! Tenentur monachi pro indebetis, blasphemiantur, quasi vero essent superstitionis, hypocritæ & avari; (5) Audent aliqui iatis audaciter de his maximis viris non aliter loqui, & ponunt famosissimas actiones in contemptissimum visionis punctum. Sed

VOS

tamen non multum mihi constat, ut me custodiam contra damnatas opiniones & propositiones Protestantium; Nam nihil lego præter scripta R. P. Lectoris & regulam S. P. N. Francisci, & ita certo non intrabit hereticum aliquid in cor meum. Vellem hoc remedium alta voce omnibus Christianis commendare, quia probatum est.

- (5) Hæc est vera blasphemia. Thus & candelæ benedictæ contra sagas, schedulæ S. Lucæ, exorcismi boum & suum, panis contra febrem, aqua benedicta cimicifuga, cappæ lauretanæ, & aliæ hujusmodi sacræ res nobis à sanctis personis & per revelationes communicatae sunt, quæ certe non sunt superstitiones. Hypocrisia apud nos non habet locum, & si cum P. Guardiano & cum laicis extraneis aliter loquimur, quam facimus & cogitamus; hoc exigit modestia religiosa, & ædificatio proximi; & de avaritia nos, qui quotidie consumimus, quæ nobis frater coccus apponit, non sumus responsabiles; sed fors hoc tangit — ut putat P. Guardianus — Religiosos, qui tantum per abusum gaudent privilegiis mendicantium, & tamen possident bona temporalia, & usurantur.

vos, qui in hac historia doctrinam eorum, & eorum inessum vidistis, non obliviscimini quod Basilius & Chrysostomus vitam monasticam non tantum laudaverunt, sed etiam ipsi met apprehenderunt. (6) Judicate jam ipsi, an hi fuerint debiles spiritus. Ego scio, quod dabantur in omnibus temporibus veluti mali christiani, ita etiam mali monachi. (7) Error est non in statu eorum, sed in corruptione carnis; Sed etiam in omnibus temporibus excitavit Deus excellentes viros, qui labantem monasticam disciplinam iterum sursum extollerunt. „ (8)

E 4

Ne-

- (6) Poffet aliquis astutus objicere, quod loquatur Cicerone pro domo sua, ut audivi in Rhetorica.
- (7) Sed Monachus malus est rarissima avis, & si etiam est quidam malus, tamen non damnatur, quia prædixit nobis aliquis ex Sanctis ordinis nostri, cuius nomen jam non reminiscor, quod Franciscani, & qui regulam hanc sequuntur, non possint damna- ri, dummodo de nocte nunquam deponant tunicam, & quotidie unum Ave cum devotione orent, ergo semper habent præferentiam præ laicis.
- (8) Veluti S. P. nostrum Fundatorem, quia certo per- iisset Ecclesia, nisi hic Sanctus venisset, & introduxisset caputia & funes, & tunicas crassas in ecclasiam, & exterminavisset caligas & tibialia, tanquam superflua e strictioribus observantiis, & ordinavisset, ut vivant monachi e labore aliorum, quia non convenit, ut filii Dei laborent, sicut peccatores.

Neque etiam est miraculum, si patres & authores ecclesiastici, qui in vestigia patrum ingressi sunt, cum tanto zelo partes monachorum apprehensi sunt. Nam hi erant illi & sunt adhuc hodie, qui non tantum præcepta nostri divini magistri, quæ sine delicto nemo negligere potest, punctualissime implent, sed etiam sua sancta consilia, quæ ad altum gradum perfectionis conduceunt, cum plausibili nisu etiam sub ipso ligamento festivi juramenti in opus ponunt. (9) Si ulterea alibi & in diversis temporibus ordinum status divites fructus ferebant, præcipue in Germania, & in ipsis etiam vastis statibus imperii austriaci; si per eos Germanis lux fidei exoriebatur; si per eos, in ipsis maledictis temporibus discordiarum, meliori parti lucere pergebat; si per eos scientiæ & artes introducebantur & conservabantur; si ipsis magnam partem, formationem, illuminationem, religionem in gratias

(9) Vellem videre, quid faceret Ecclesia sine monachis, qui sunt antiquiores ecclesia; quia vidi sanctum Eliam in ambitibus conventus nostri depictum in habitu Carmelitæ, & credo, quod Elias vixerit ante Christum natum; Existat etiam alia pictura in oratorio nostro, ubi Franciscanus jam satis senex comitatur Christum ad crucem, & eum ad fortiter moriendum pro redemptione generis humani exhibarat; & inde per syllogismum credo demonstrari possit, quod nullus Christianus deberet mori, sine Franciscano aut saltem alio monacho; Quid vero si non essent monachi?

tias referimus; (10) Quale miraculum, si imperatoris nostri celeberrimi avunculi, altissimi Cæsares nostri, status monasticos in sinu imperiorum suorum amicabiliter suscepserunt, & cum gratiis condecoraverunt; (11) Non habeo primo necesse eorum debitam laudem pronuntiare, cum omnia monumenta historica etiam sine conatu pro iis verbum loquantur. Mihi satis est hic adnotare, quod monachi, juxta perspicax judicium Nostri Imperatoris non

E 5

fint

(10) Rogo D. V. ut mihi respondeat: an hoc sit verum? ego hoc non credidisse, nisi hic scriptum legisse. Nec habeo remedium me super hoc instruendi, quia cathedra historiae jam per octo annos vacat in studio nostro tam philosophico quam theologico, & in bibliotheca nostra non habemus aliud librum historicum quam historiam passionis & ordinis nostri, in qua autem de doctis Franciscanis nihil est mentionatum,

(11) Narravit nobis, cum esset in noviciatu, magister novitiorum, quod plane aliquis imperator fuerit sepultus cum tunica monachali, cum scapulari & caputio, qui etiam propterea debuisset canonizari; probabiliter iste etiam monasteria fundavit. Conventus noster non est tam nobilis prosapia; Nam pistor aliquis, qui multum lucratus est in tempore, ubi Deo placuit punire peccatores caritate frumenti, ad redimendam vexam in altero mundo, omnem pecuniam suam legavit pro fundatione domus nostræ & simul pro vino in festis duplicitibus. Ita refert chronica domus nostræ.

sint filii perditi honestorum parentum. (12) Nam hucusque conamina sua pro salute animalium ita præstiterunt, ut multi eorum ad altissimum mandatum Parochis pro cooperatoribus additi & in hoc tam ponderosum negotium totaliter installati fuerint. (13)

Me ergo tam propter sanctum officium meum, quam scandalum ab omnibus bene cogitantibus avertendi causa, ante Deum obligatum

(12) Metuo, ne incidat Orator in querelam & disputationem cum P. nostro Concionatore festivali, qui in festo S. P. nostri cum multo applausu filium perditum evangelii comparavit cum Francisco, quia iste etiam in juventute sua fuit jovialis studiosus, ein lustiger Vogel, sicut ille; quia in luto se volvit, sicut ille in cœno voluptatum; quia cum porcis conversatus est sicut ille; quia nihil comedit & jejunavit quando nihil habuit sicut ille; & quia egregie comedensavit quando fuit festum duplex, sicut ille, quando Pater ejus illum iterum in gratiam suscepit.

(13) Hæc est hæresis; Monachi non sunt facti pro parochia, & hoc est etiam contra institutum vitæ contemplativæ; quia monachus ex regula sua exire non debet nisi mendicatum, & exorcisatum. Miror tantum, quod Episcopi permittant ejusmodi dispositiones Principibus; sed P. Guardianus dicit, quod pallium juxta ventum vertant. O tempora, o mores!

tum video, potens vestrum remedium veneratissimi Consiliarii Censuræ regiæ pro tutamine tam multorum piorum & doctorum viorum implorare. (14) Suscipio hoc tanto confidentius in me, quanto plus ego in vestram propriam devotionem & profundam perspicacitatem confido. Nam titillatio scribendi jam eo ibat, ut nulla lex pudicitiæ, modestiæ, religionis amplius aliquid valere videatur, & homines, quorum fundamentalis scientia iudicium siebat, nunc gloriam suam in eo ponant, quod omnes limites honestatis, quibus ab initio adhuc continebantur, audacter supergrediantur; contra omne, quod spirituale est, id est monachos & animarum curatores, in diversis formis temeriarum contumeliarum erumpant, & studiose & incogitanter cum universalì contemptione Cleri (15) simul totum ædi-

(14) Per Deum bonum & stigmata sancti Francisci! quis unquam audivit, aut legit aliquid simile, quod ecclesiastici orent laicos; Cur ergo habent potestim ligandi, & cur non excommunicant hos laicos, si non volunt obedire. Ego si deveniam Episcopus, quod per miraculum divinum fieri posset, clauderem omnes ecclesias, ut nullus mihi intraret, nisi saltaret sicut ego sibilarem.

(15) Quod Clerus contemnatur, hoc nihil facit: Est tantum poena talionis, quia etiam Clerici monachos contemperunt, & se meliores & sanctiores putaverunt, quamvis habeant caligas & tibialia, &

ædificium sanctæ ecclesiæ & beneficæ religio-
nis suffodian.

Hoc malum non manebat ibi stare ubi in-
cipiebat, sed crescebat tam invisibiliter, ut
pastor & oves — dico hoc cum tristitia cor-
dis — eversionem religionis cum sancta tre-
mulatione advenire cernerent. Initio impug-
nabant consuetudines, quæ ad essentiam reli-
gionis non pertinent, sed per piam fantasiam
nostrorum Pàtrum & per longinquum usum
in ecclesia respectabiles sunt. Non sumebant
sibi operam falsam aut hyperbolicam declara-
tionem singulorum credentium, a vera expli-
catione ecclesiæ distinguendi. (16) Illudebant
iis, qui hanc operam in se sumebant, & in
doctam aut reflexam confusionem vertere
quærebant ; degradabant omnia usque ad de-
mentiam, quia nihil tam sanctum est, quod
non

per consequentiam sint laxiores ecclesiastici quam
nos.

(16) Quia non sunt theologi, & ideo etiam se non de-
berent immiscere istis rebus ; Ego jam sum theolo-
gus primi anni & incepi etiam dogmaticam & po-
lemicam, & dixit mihi jam saepius R. P. Lector,
quod natus sim pro polemica, quia habeo pulmo-
nes fortes — venit enim secundum etymologiam
polemica a pulmone — & tamen ego non auderem
disputare de his rebus & explicare cærenonias. Quod
bene expressit Cicero : Sutor ne ultra crepidam.

non per obliquam directionem risibile fieri potest; (17) Projiciebant denique absque distinctione omnia fanatica & moderata, privata & communia, abusus & sacras cæremonias sub odioso nomine superstitionis insimul in unum cumulum. (18)

Deinde incipiebant tolerantiam plenis buccis prædicare, non illam christianam tolerantiam, qua nostris fratribus supergressiones & erroneitates per Dei amorem ignoscimus, & a qua hi sapientes nimium longe distant, sed potius illam, quam in corde habent, ita prout iis placet & convenit credendi & agendi. (19)

Po-

(17) In festo S. Antonii, quod est festum ordinis & etiam dies onomasticus P. Lectoris nostri, nescio quomodo acciderit, quod post prandium, postquam paullulum dormivi, veniens in chorum e mea cella habuerim caputum oblique & parum ab ante, quod deberet esse a post, & omnes confratres nostri riserunt valde, & hoc probat: quod per obliquam directionem etiam res religiosissimæ, sicut caputum est, possunt devenire risibiles.

(18) Jam ita faciunt isti homines sæculares, qui non sciunt quantum in cœlo distet caputum a Perucca crispata.

(19) Tolerantia mihi videtur verbum novum, quod non est neque in scriptura neque in theologia nostra,

Postea transibant ad annuntiatores evangelicarum virtutum, ii qui nullam missionem habebant & non semel in fundamentalibus veritatibus sanctæ doctrinæ instructi erant; & faciebant non tantum ineptas & amaras, sed etiam falsas, fallaces & mendaces eruptiones. (20) Insimul cadebant vere furiose indistinctim in servos ecclesiarum, præcipue ordines regulares, quos ecclesia approbavit, & principes suscepserunt; non verebantur; vestitum, mores, usus, leges, bonum nomen, ipsarum singularum personarum, non amplius abscondite, sed publice violare, ita ut jam nemo amplius de suo honesto nomine securus sit, qui tantum tentat, unam opinionem

¶tra. Omnis, qui non est catholicus, est mihi juxta evangelium velut ethniens & publicanus, & dignus ut extradatur A. R. P. grandi Inquisitori & ejus S. officio in Hispania & Portugallia, ut comburatur hic, sic comburetur in igne æterno; hæc est mea opinio, fundata supra observantiam, quæ hucusque optime profuit S. religioni & multos perversos homines, etiam si v. Judæos ad fidem catholicam adduxit.

(20) Quomodo ergo potest aliquis judicare de aliqua re, super quam non habet missionem? quasi vero ego possem dicere & disputare cum coco, quod aliqua daps e. g. illa, quam nos Germani vocamus Sauerkraut, non sit bene præparata, si non habeo ordinationem & missionem procula a R. P. Quaradiano?

nem promere, quæ his tolerantibus contraria videtur.

Per spicitis absque dubio censuræ regiæ venerabiles Consiliarii, in quam scripturam particulariter indigitare volo; in scripturam in qua tam multas tangibiles calumnias contra ecclesiasticos regulares, tam multa convicia, injurias & mendacia in rudi, saepe immundo, & per totum impudico tono superincumbula legimus, ut nunquam aliquid tale in lutherano aut calvinistico libro invenerimus. (21) Immo, quod adhuc plus est, non invenio in aliquo libro *ethnicæ antiquitatis* tam multos tractus calumniationis cum lubricis & inhonestis ductibus intertextos, quam nostri tolerantissimi Catholici hominibus alligant, qui se ecclesiæ principaliter consecraverunt & evangelica consilia divini nostri fundatoris pro linneali suæ vitæ elegerunt. (22)

Ego

(21) *Iste debet esse liber nequissimus.* Audivi enim murmurare nuper P. Exprovincialem cum P. P. Deffitoribus de isto libro, & obstupui, quando dixerunt, quod sit adhuc pejor quam *Biblia Lutheri*, & addiderunt, quod sint plures lubricitates in eo, quam in nostris Casuistis, id quod esset valde inultum: viderem, ut possem legere istum librum, sed ego non euso ista mundana, sed — si tempus habeo — tantum animam meam euso.

(22) Hoc probat, quod *Ethnici & Turcæ antiquitatis* fuerint meliores homines, quam hodierni, quia non

Ego deberem itaque me ipsum pro rebelle & proditore mei officii aspicere, si non humillimam meam representationem ad vos apportarem, & instanter orarem, effreni huic audaciæ impedimentum facere, pro sustentatione modestiæ, pro tutela publicæ honestatis, pro salvatione boni nominis tam multarum ovium, quæ simul nobilissimæ partes ecclesiæ nostræ sunt. Pro meo nomine ego non curo; emittant furorem suum contra me; ego hoc semper constanti patientia perferam, nam confido in eum, qui solus dat fortitudinem; sed quod tam multos præstantes collaboratores, qui in vinea Dómini sudorem diei mecum dividunt, (23) tam furiose ag-

non inventimus neque in Cicerone neque in Hippocrate neque in Propertio aliquid contra monachos, neque quod Julius Cæsar vel Romulus persecuti sunt Christianos & monachos; cum tamen hodie Patres nostri, qui custodiunt velut angeli sanctum sepulchrum, sèpissime verbera & fustigations perpetuantur a Turcis & Ethnicis in terra sancta, quia non volunt derelinquere loca sancta, quæ ibi existunt, & e quibus habeo frustum lateritium, præsertim dominus bethleemiticæ, cum authentica P. Provincialis terræ sanctæ.

(23) Debet esse terribilis labor in vinea Domini, si tantum sudant isti cooperatores, ut sudorem possint dividere cum Domino Pastore suo. Deus avertat, ut etiam nos coganimur ibi laborare & sudare; ego ju-

ra-

aggrediantur , & eorum dignum nomen tantum impudice deponant , & calumnientur , ad hoc non possum tacere. (24) Ego non examino , quis sit hujus scripturæ compositor ; ego non examino locum ubi effabricata fuerit , id scio , quod ejusmodi scarteka hic vendatur , avide perquiratur & legatur .

Ego non sum ille , qui regulares sine omni exceptione pro invituperabilibus tenet . Aliqui ex illis habent suos errores , dantur inter

ravi tantum , quod velim esse Franciscanus , & non cooperator , & quod velim tantum bibere vīnum in vita contemplativa & non laborare in vinea . Dicit quidem evangelium , quod debeimus quaerere panem in sudore vultus , sed de Adamo loquitur , qui fuit sacerdotalis , & dein de vino non fuit quæstio , quod in collecta autunnali gratis nobis dant rustici & vindemiatores , ut pro iis oremus , non vero ut laboremus , quod etiam diligenter facimus .

(24) Bene habet ; si ego essem Episcopus , ascenderem in cathedram & clamarem sicut dæmon contra istos hæreticos & libertinos , & monstrarem , quod habeam capillos supra dentes , & lavarem ipsis caput , ut sudarent sicut collaboratores mei in vinea ; vel sicut noster crassus frater coccus in æstate , quando facit magnum ignem in culina & cubito abstergit sudorem vultus sui , qui est sicuti plenilunium .

ter illos mala membra , quæ sancta sua destinatio-
tione indigna sunt. Verum potest aliquis
propter aliquos malos totam communitatem
condemnare ? Dantur falsi monachi — dicit
sanctus Augustinus in Psalmum 132 — & nos
noscimus ; sed ideo vinculum fraternalum non-
dum est disruptum , quia aliqui se ad id confi-
tentur , quod non sunt ; dantur falsi monachi ,
sicut etiam falsi religiosi & falsi credentes
dantur. (25)

O inluminantem veritatem ! cuius poten-
tiam Erasmus tam energice sentiebat ; ut illi
testimonium daret ; id quod nostros Monacho-
machos tam multum confundit , quam zelotice
illi se alias pro Erasmo declarare consuecant .
Quanta insania — scribebat in epistola ad Jo-
annem Emstad . — ideo odere Monachum ,
quia Monachus est . Tu te christianum vocas
& persequeris eos , qui Christo tam similes
sunt . Dicetur - - - plurimos stare longe ab
imagine primorum monachorum ; Bene ! ergo
nos nullam vitæ methodum approbare aude-
mus ,

(25) Nihil deberet concedere , quia non convenit , ut
laici sciant , quod monachus sit capax alicujus de-
lictii . Ideo etiam generalia capitula nostra ordina-
verunt , ut delinquentes Franciscani clam decapi-
tentur , n̄ scilicet fiat scandalum , & ut non cre-
dant laici , quod possit Franciscanus peccare .

mus, si nos semel malorum gratia etiam bonos odimus. (26)

Si concedimus inter Apostolos Judam valde malum fuisse, an sequitur, quod status Apostolorum sit malus? (27) Si concedimus, quod in Ecclesia Dei scandala sint, an sequitur, quod Ecclesia Dei sit scandalosa. Si concedimus. quod in uno statu prædones dentur, an inde sequitur, quod status fit prædatorius. Monachi sunt quod sunt cum altissima licentia Imperatorum; sunt subditi, sunt cives status, membra unius societatis, quæ unum & idem ligamentum fraternaliter vincit; sunt super

F 2

hoc

(26) De Erasmo debuisset tacere, nihil teneo de isto homine; Assecuravit mihi P. Professor meus in poenia, qui fuit verus & egregius Jesuita, quod, si recte adhuc in memoria teneo, aut Lutherus erasmizat, aut Erasmus lutherizat, & qui habet aliquam similitudinem cum Luthero, jam nauic est; ideo etiam non possum supportare Patrem Martinum, qui fuit meus condiscipulus, quia habuit nomen lutherizans.

(27) Fuit turco iste Judas, quia fecit pudorem apostolis, & semper ab a catholicis assertur contra catholicos. Gaudeo mihi, quod se suspenderit, quia odi omnes avaros, qui semper nos abigunt a porta, quando venimus in collecta mendicatum, vel nobis frustum panis porrigit, quod statim canibus do, qui etiam sunt avati.

hoc adhuc pro instructione populi, pro prædicatione evangelii, & pro distributione sacramentorum in decem parochiis hujus capitalis nobis destinati. (28) Illi habent igitur, prout quivis civis, justum titulum sicuti pro conservatione suæ vitæ ita etiam pro conservatione sui honoris, qui est species vitæ, & sèpissime pretiosior quam vita ipsa. Quomodo audet unus privatus tentare, tam nobile bonum cum temerariis manibus spoliare. (29)

Ego. I

(28) Nego, saltem de Franciscanis, quorum regnum non est de hoc mundo, & per consequentiam etiam non sunt cives, & nos non ligat aliud vinculum, quam funis, quem St. Pater noster præscripsit nobis, & in regula mea nihil de instructione populi invenio, quia non sumus Iudimagiſtri, nec parochi, sed Franciscani, quod est summum & maximum, & non mutarem statum meum cum senatore & omni suo labore. Id quod vocationem meam veram esse probat, quam usque ad ultimam guttam sanguinis defendam.

(29) Etiam non adæquate dicit; Nos monaehi omni honori mundano renuntiavimus, & non quærimus nisi honores ecclesiasticos, ad quos possumus ascendere etiam sine honore mundano. Nomen meum plane non curo, quia jam in novitiatu nomen meum deposui, & nemo scit amplius, quod fui vocatus Steplizerus, & nunc vocer F. Onuphrius.

Ego confido in notam humanitatem & devotionem vestram, Censores regii! quod non permittetis, ut talis honoris spoliatio porro vendatur, & *imago* ante omnes oculos exponatur, quæ non sine scandalo & morum corruptione aspici potest, & quæ Deo sacratos viros coloribus tam falsis quam odiosis *pingit.* (30)

Totam alteram imaginem præsentat nobis doctus & sanctus Gregorius Nazianzenus. Sese ædificat per illorum castigationes, pervigilatas noctes, pias orationes & sanctas lachrymas. Illorum cantus, quo Deum laudant; eorum sanctæ meditationes; quibus dies & noctes consumunt; eorum abscessi & inartificiales capilli; illorum, more apostolorum, denudati pedes; (31) illorum vestitus, qui mundo luxui objectiones facit; illorum cingula & pallia, quorum ornatio in contemplatione ornatus consistit; illorum virilis passus; illorum modestus oculus, illorum filens os, non erant illi objectum humilis ludibrii sed chri-

F 3

ftia-

(30) In istis magnis civitatibus variæ res videntur, quæ nunquam ad nundinas nostrarum parvarum urbium adferuntur. Debet esse res pulcherrima & stupendissima ista *imago*, quæ homines pingit. Nos non videmus, nisi in tempore fori sumias, ursos, quos vocant *Tanzbären* & schnelle *Catherina*, vel passionem in machina optica.

stianæ ædificationis. (*) Forum modus publice apparendi — scribit ultra hic sanctus episcopus — & eorum methodus abscondite vivendi, ille ad alios docendum, hæc ad se ipsum in mysteriis spiritus instruendum, ita ut in circulo hominum solitudinis suæ obliviscantur, & in solitudine ad fraternum amorem tendant; Immo quod adhuc plus & sublimius, eorum divitiæ in paupertate, eorum possessio-nes in peregrinatione, eorum gloria in con-temptione; eorum potentia in debilitate, eo-rum fœcunditas in cœlibatu, (32) nam sunt nobiliores partus, qui post Deum existunt,

quam

(31) Hoc mihi placet, quod nunc sciam, quod etiam apostoli non habuerint calceos, sicut ego. Sed caputum certe non habuerunt, & in hoc sumus per-fectiores. Credo, quod iste Gregorius Nazianzenus fuit Provincialis Franciscanorum, vel forte plane Generalis, quia non vidit alios monachos quam modestos, & tantum gaudium habuit cum ipsis suis confratribus.

(32) Quid sint divitiæ in paupertate & potentia in de-bilitate, hoc capiat, qui capere potest. De fœcun-ditate autem in cœlibatu plurima habemus exempla præstantissima, quæ nemo, nisi hæreticus, negare potest.

(*) S. Gregor. Nazianz. in Orat. I. de pace post re-conciliat. interprete Jacobo Billio p. 418. & sequ. edid. Parisien. 1533.

quam qui a carne oriuntur; interea ipsorum delicium est, deliciis non cadere, interea humiles sunt propter regnum cœli, in hoc mundo nil possident & super mundum collocati sunt; in carne sicut extra carnem vivunt; Deum tantum pro parte sua agnoscunt, propter regnum tantum agentes sunt, & propter egestatem dominantur. Hi itaque meæ deliciæ & meæ divitiæ, qualiter mihi, cum præsentes erant, splendorem & dignitatem dabant, ita me implent, cum absentes sunt, luctu & amaritudine.

Omnis hos tractus beatitudinis perfectæ vitæ, & christianæ ædificationis, quibus hic doctus aliquis pater ecclesiæ statum monachorum pingit, compositor novissimæ scartekæ miserabiliter detorsit, rudibus & fallacibus coloribus repræsentavit, & evangelica consilia in illis viris, qui ea exercent, ludibrio plebis & risui exposuit. (33)

F 4

Ideo

(33) Væ isti homini, doleo ex corde, de anima paupera, quia certe est de facto excommunicatus, & quod idem est, damnatus; deinde videbit cum suo

Ideo obsecro vos, venerandissimi censores regii, cum omni pia energia, quæ pastori convenit, cui conservatio ovium (34) ad cor jacet, ut effrenatae libertati, contra famulos ecclesiæ scribendi, eo arctiores limites ponatis, quo minus se sanctitas eorum officiorum cum quotidie crescente contumelia, quæ tantum contra eos venenum effundit, comportat.

Nam etiamsi ejusmodi impudicæ scripturæ judicium damnationis jam in fronte portant,
 &

damno in inferno, an non sit melius esse humilis rusticus vel ignorans monachus, quam superbus philosophus & scriptor; sed isti homines nunquam cogitant de inferno, donec incident in griffos dia-boli, e quibus nulla est redemptio.

(34) Præstans pastor est, quod de conservatione ovium cogitet. Sunt enim in œconomia magnæ utilitatis; tondentur bis per annum, & inde fiunt sacrae nostræ tunicae, & deinde versus paschæ faciunt agnos, & ideo bis etiam per annum habemus collectam, semel pro lana & altera vice pro agne paschali.

& apud honestos sapientes victoriam bonæ rei confirmant, tamen quivis aculeus contumeliæ in majori & débiliori parte vulnera relinquit, quæ non tam facile curantur. (35)

Ego confido ergo primum quidem in Dei commiserationem, qui pro sancta ecclesia sui unigeniti filii vigilat, dein vero præcipue in vestram sublimem justitiam, quod juxta devotionem, religionem & humanitatem vestram huic malo, quod quotidie amplius circum se prehendit, remedium adhuc prius præparabitis, quam nos hujus incurabilitatem deplorare debeamus. (36) Dixi.

F 5

(35) Fors ista scarteka est causa, quod non amplius rusticæ & rusticæ tam sæpe nobis osculentur manus & sacram tunicam, & si hoc esset, tunc certe mortale peccatum habet auctor, quia sunt indulgentiæ in osculatione manus & tunicæ & funis.

(36) Rogo ut V. D. quæ docta est & versata in lectione, mihi communicet suum judicium de hoc sermone, quæ

qui mihi videtur valde laboriosus, quia quatuor
vel quinque libros citat, & dein etiam præstans,
quia nonnunquam in cor loquitur & optimam cau-
sam, id est monachos defendit, qui est vere hercu-
leus, vel ut tanquam ecclesiasticus cum sacra scri-
ptura finiam, simoneus labor, pro quo in altero
mundo adhuc recompensationem accipiet. Finis,

JOANNIS PHYSIOPHILI
DEFENSIO
SPECIMINIS
MONACHOLOGIAE
CORAM
CENSORIBUS REGIIS VINDOBONENSIBUS.

Si princeps ille ingenii & doctrinæ Plato
tum denique beatas fore respuplicas puta-
vit, cum ii, qui eas regerent, omne studium
suum in doctrina ac sapientia collocassent,
non possum non gratulari primum quidem
reipublicæ vindobonensi, quod ei contigerit,
ut ii summam in ea habeant potestatem, qui-
bus plurimum in percipienda virtute ac huma-
nitate studium fuit, & dein mihi, cui conces-
sum est hodie in amplissimo hoc confessu, in
quo feliciter conjuncta sapientia & potestas
sedem posuit, dicere, causamque meam con-
tra

tra verboſiſſimum monachismi advoſatum de-
fendere. Quid enim egi aliud, cum acerbius
de monachis & muliebri eorum religione di-
xi, quam id, quod immortalis pater tuus egit,
illuſtriſſime Suitenie! qui præſtigia, excanta-
tiones, vampyros, larvas, sagas, & ariola-
tores e republica proſligavit, & quod tu, qui
ſummi patris veſtigia premis, quod unusquis-
que ſenatorum ampliſſimi tribunaliſ, cui præ-
es, perficere ſtudet: ut extincta in animis im-
becillis plebis anili ſuperftitione firmior ſtet
& sanctior religio.

Initia & cauſas ſuperftitionum aggressus
ſum, cum fōrdes, ineptias, fraudesque mo-
nachorum curiosius excuterem, gnarus, ſub-
lata cauſa tolli tandem poſſe effectus. Novi
quidem periculofam eſſe offenſionem hanc pro-
pter interpoſitam auctoritatem religionemque;
novi obſcurum illud odium, quod fanatici ho-
mines, contra innovationes omnes conceptum,
hucusque continuuerunt, in me unum deflecti-
poſſe; qui monachos; — quoſ ministros reli-
gionis appellari malunt — exploſi. Nec præ-
ter expectationem accidit, quod ascenderit
in roſtrum adverſarius, qui, etſi officii ſui
ſanctitas ſingularēm veritatem, & gravitatem
exploſeret; — timide dico, ſed dicendum eſt
tamen — fraudem dolumque adhibuit, ut
persuaderet: ſacra & religionem negligi, vio-
lari, pollui; ſi tolleretur e republica ſuper-
ftitio, aut, quod magis eſt, ſi liceret inferre

manum sacerrimis monachorum gregibus, fautoribus superstitionum.

Sed fretus æquitate vestra Viri gravissimi! perspexi alienum a yobis esse, inauditum cendemnare; nec fecellit me opinio; vocatus in judicium adsum, & causæ meæ defensionem eo lubentius in me suscipio, quo minus pertimescendæ mihi sunt fractæ jam & inanes minæ, gregorianique illius temporis terrores, quibus me petit, quo hebetata magis sunt tela, quæ in me conjecit adversarius. Id enim agam, ut pateat: omnia, quæ actor attulit, argumenta, falsa, ridicula, & inopportuna esse; quæ vero contra monachos iniquius dixisse accusatur Physiophilus, consentire opinioni Patrum Ecclesiæ, sententiis conciliorum, & oraculo gravissimorum scriptorum. Quod ubi præstitero, vestrum Cenfores regii! quorum auctoritati, prudentia, & iudicio princeps optimus ea, quæ de sacris & religione tam privata quam publica scribuntur, subjecit, gratum adnutum, qui summa sit laboris mei merces, exspecto, relictis adversario acclamationibus plebeculæ, & voculis anicularum.

Observastis Judices! quam callide actor in proemio dictionis suæ non monachorum tantum sed totius sacerdotii defensionem in se suscepit, ac si hoc quoque impetueret Physiophilus. Audivistis, quam astute Ana-

cho-

choretas priscæ ecclesiæ, cum degeneri monachorum nostrorum grege confundere studierit, ut, quæ de illis bene apud Patres Ecclesiæ dicta sunt, de his quoque dicta esse videantur. Egit hoc, ut attentionem, animos, & quandam quasi commiserationem audientium sibi conciliaret, indignationem vero contra irreligiosum adversarium meliori quodam titulo excitaret. At, Deum immortalem testor, vestrasque mentes Judices, & conscientiam maxime mieam! neminem magis persuasum esse, quam ego sim, quod si numini æterno summus cultus & honos debeatur, ejusdem reverentiæ partem quandam in eos quoque transferendam esse, qui ad sacra facienda Deo dicati sunt! Debent enim ibi esse præmia honoris, ubi sunt merita virtutis; nihilominus tamen mihi videri, piaculum esse: desidiosissimam monachorum turbam religioso sacerdotum collegio advensere, eodemque honore vanæ superstitionis sacrificulum prosequi, qui sacrosanctæ tantum religionis ministro debetur.

Longe quoque absum, ut raro illos primitivæ ecclesiæ viros vituperem, qui, postquam reipublicæ commodis, ut bonum civem oportet, servierunt, secesserunt a tumultu, ceterisque rebus omnibus pro nihilo habitis, semetipsos & imminentem æternitatem solerterius meditati sunt, aut honestum otium sponte nulloque adstricti sacramento amplectentes, non modo ipsi hebescere, & languere nolue-

tunt,

runt, sed etiam, ut pluribus prodeſſe poſſent, laudabile otium in ſcribendis & doceñdis p̄ceptis honestatis & religionis conſumentes, viṭæ ſuæ curſum in labore corporis & animi contentionē confeſcerunt. Si vero id reprehendi nequit, quod venerandis hiſ ſolitariis ſemper laudi datum eſt & ſemper erit maximæ gloriæ, quiſ non indignabitur ſervo & immittatori pecori, quiđ, quiū per ætatem omnem otio diſfluat, graves illos ecclesiæ patres, agnatos ſuos & nobilem quaſi prosapiam appellare ſolet, quamvis nil agat aliud, quam quod psalmos ſuos, numeratos illos quideſt ac non intellectos, ſtentoria voce in templis derudat, & cum ſacras inertiæ manus labore profanare irreligiosum putet, panem pro foribus magno magitu efflagitet, non ſine mediocri verecundæ paupertatis & mendicitatis jaſtura.

Aspice Judices! Aspice innumeratas has centonatas, tunicatas, cucullatas, & mille modis personatas monachorum varietates, & attendite quam fulſe eās ſibilet Erasmus, idem ille Erasmus, quem pro monachismi p̄eſtantia teſtem attulit auctor. Aspice hos greges, qui ſordibus, inſcitia, rufſicitate apostolos. ut ajunt, nobis referunt, quorum mirum ſtudium eſt: non ut Christo ſimiles ſint, ſed inter ſe diſſimiles; qui pietatis, & religionis apicem ſe attigilſe credunt, ſi ſciverint: quo colore ſingulam veſtem, & quo diſcribini- bus, ſecundum mentem fundatoris, variegan- dam; qua materia quoque culmis latum cin-

gu-

gulum, qua specie, & quot modiorem capa-
cem cucullam, quot digitis latum capillitium
esse oporteat, ut grex a grege, monachus a
monacho distinguitur; qui invicem alii alios
ob alteri cinctam vestem, ob colorem paulo
fusciorem contemnunt; aspicite hos, qui con-
tactum pecuniæ ceu aconitum horrent, nec a
vino interim nec a mulierum contactu tem-
perant; illos, qui funigeri & inter hos alii
coletæ, alii minores, alii minimi appellari
gaudent, hos qui se Benedicti, Bernardi, An-
tonii, Augustini, Dominici, Eliæ filios esse
gloriantur, quæsi parum esset dici christianos.
Illos ostendentes sesquipedes ventres, omni
piscium genere distentos; hos psalmorum cen-
tum effundentes modios; illos spongiæ vitam
agentes, semper eidem affixos loco. Omnes
tandem suis solum innixos cæremoniis, & ho-
minum traditiunculis, immemores: Christum,
contemptis his omnibus, quondam suum illud
charitatis præceptum exacturum esse, & am-
bulantem inter homines unigenitum Patris fi-
lium non cucullis, preculis, aut inediis, sed
fidei & charitatis officiis regnum suum polli-
citum fuisse.

Hos personatos circulatores, hos co-
mædos, & mimos, austero habitu plebeim fa-
scinantes, fulcra religionis esse, & ornamen-
ta ecclesiæ prædicat actor; hos ad firmam
fidem secum in vinea domini collaborantes
Dei servos Iudibrio fieri queritur, quamvis
nescire non potest: monachos legibus ecclæ-

siæ ab officii sacerdotii excludi. (a) Hos qui summam existimant esse pietatem, si usque adeo nihil attigerint scientiarum, ut ignorare cuncta divina & humana primo intuitu videantur, custodes, conservatores, & promotores scientiarum fuisse jaætitat, cum laici in turbulentia illa medii ævi epocha illos, qui de summis prisœ ætatis viris ad eos usque pervenerunt, sapientiæ thesauros in cœnobio, veluti nullo modo violanda asyla, deposuerint. O vigilantissimos & incorruptissimos custodes! qui omnia hæc, quæ a laicis obtinuerunt, scientiarum instrumenta intacta quoque reliquerunt, & quibus alii uti prohibebantur, ipsi manus inferre sacrilegum putaverunt ita, ut ævum illud adhucdum barbarum & obscurum audiat, quo scientiæ & artes custodiæ monachorum creditæ fuerant. Non difiteor quidem ad excollendam patriam tellus plurimum contulisse monachos. Novimus exercitas eorum potissimum cura incultas Germaniæ sylvas, stercoratos fructuosioresque redditos agros, cum in vicinia cœnobiorum, adscripti glebæ monasticæ servi, sexcentum aratri terram verterent, ut saginarentur mona-

(a) Singuli quoque monachi per villas & oppida non debent discurrere, nec per quascunque parochiales ecclesiæ disponi; quod in regularibus, cum regulæ inserviant laxiori, specialiter cautum non invenitur. *Instit. Jur. canon. lib. 1. tit. 30.*

nachi. Verum enim vero num majus quid præstiterunt, quam hodie dum suum greges in desertis Africæ & Americæ? qui purgatam a serpentibus & reptilibus terram rostro suffodiunt & præparant, quo facilius sub aratis eo deducendæ coloniæ mansuetat. Jam functi sunt officio suo monachi. Optime igitur nobis prospiciunt principes, cum detractos in illa temporum injuria fundos ab iis repetunt, qui collocatas in agros fœnoris partes ingenti cum usura dudum receperunt; injustissimum enim foret labore partos terræ fructus innumeræ in diesque ad crescenti monachorum turbæ, qua otiosiorem non habet respublica, in detrimentum civium suppeditare;

Exstirpetur jam fœda hæc mendicitas, quæ dum nutriti cupit, laborem omnem respuit. Immolentur jam hæ sumtuosæ hostiæ æterno numini ad expiandam insaniam & superstitiones, firmandumque fœdus cum sanctiore religione.

Videtur auctor inopportunitatem & falsitatem argumentorum animadvertisse, quæ pro clientibus, quorum patrocinium nemo in se suscepisset, attulit. Sed ne intentatum quid aut causam omnem derelinqueret, tandem actionis suæ vela quodam quasi commiserationis vento inplevit; ad lamenta lachrymasque confugit; religionem pietatemque vestram adjuravit, & fors vir, movendarum lachryma-

rum

rum peritissimus; hoc impetu quendam auditorum in partes suas adduxisset, nisi, ut eos, quos propriis laudibus ornare non potuit, alienis oneraret, intempestive admodum testes suos proferendo tristes illos solvisset affectus, animumque ab intentione orationis avertisset. Cyprianum advocavit, cuius ætate nullius sexus monachum per omnem occidentem fuisse nemo ignorat. Fleuryum, & Erasmus Roterdamum, flagella monachismi, Gregorium Nazianzenum, agapetarum seu monachorum intemperiem & lasciviam acerbissimis epigramatis reprehendentem, testes causæque suæ defensores constituit, nec erubuit testari: ipfos, qui, ante Christum natum, per omnem orbem exstiterunt scriptores non tam sacrilege in monachos desæviisse ac Physiophilum, quamvis veræ religionis lux iis nunquam affulserit. Si hoc ridiculum convocato in concionem populo videbatur, ego quidem sine maximo dolore observare non potui: quod si esset in iis, in quibus deberet, summa sapientia, non laboraremus. Nec enim is sum, qui tantum impudentiæ tribuam adversario, ut eum, cum ridicula hæc & absurdâ enarraret, auctoritati & gravitati vestræ illudere ausum fuisse, affirmarem.

At abuterer patientia vestra judices, si diutius impugnarem ea, quæ pro monachismi præstantia dixit accusator; pro Physiophilo jam dicendum est, qui impietatis accusatur, quod ex hominum cœtu monachos proscripse-

rit, nec non eos avaritiæ, gulæ, infœtiæ, de-
mentiæ immerito arguerit. Graves sunt, ut
vidistis judices! ictus, quos intentat mihi ad-
versarius; pace vero vestra me scuto verita-
tis, quo tegor, eos facile declinaturum aut
excepturum spero.

Cum ad animantia relegasssem monachos
non tam naturam ducem, quæ tantum discri-
men hominem inter & monachum posuit, quam
D. Chrysostomum secutus sum; comparavit is
homines monasticam disciplinam sectantes avi-
bus, vocavit monachos passeres, sanctimonia-
les vero turtures. (b)

Attentius hoc sapientissimi viri effatum
examinando, inveni quidem: ejiciendum es-
se — ut dudum oportere suspicabar — ex
hominum cœtu monachum, avibus tamen ad-
censeri non, nisi invita natura, posse; etiam
fi

(b) *Chrysostomi opera. Edit. Montfaucon. Parisiis. 1718.*
græce & latine. T. V. pag. 748. in Psalm. 583.
 Quod autem verius est, passerem vocat ho-
 minem, qui monasticam philosophiam sectatur.
 Multa enim in eum, quæ ad passerem per-
 nent, conveniunt. Non habet domum in terra,
 non sollicitus est de castino, vili cibo utitur;
 tur-
 turem vero dicit virginem castam, ob castitatem,
 & solitudinis amorem, ob querulam vocem.

si salacitas passeris monacho , & queruli concupiscentis turturis gemitus monachæ optime convenient ; e rapina monachos vivere ; usque adeo notum est , ut rapacitas monastica in proverbium abierit . Si ergo avibus adnumerari possent , eos ad rapacium ordinem pertinere ornithologorum nemo negabit ; suadente id etiam D. Ambrofio , dum monachos , qui aliena querunt , recte accipitres nominandos esse pronuntiat . (c) Accipitres autem , vultures & quæ sunt hujus generis volucres sicut diutissim ferre , omnisque expertes esse modulationis vocis experientia docuit . Num vero siticulosius quid monacho ? an non cantat aut cantillare conatur e cucullatorum grege unusquisque ? Discrepant igitur ab his , qui accipitrum genus constituunt , characteribus monachi , nec ullum certo oscinum alitumve genus reperiri potest , quo annuent natura collocarentur ; quamvis opportunum esset maxime generi humano , si bipedes hos implumes confundere plumigeris liceret , cum mortales cuncta bonis semper & præpetibus avibus auspicarentur , quia nunquam escam recusaret monachus , & semper pasceretur , (d) nec eum mergi necesse esset , ut

G 3

bi-

(c) *Ambrosius Orat. de obitu fratris.*(d) Nam si pascerentur (pulli) bonum augurium erat .
si non pascerentur , malum . *Ael. Gell.*

biberet. (e) Hæ rationes me moverunt, ut aliud animantium genus exquirerem, quo reponeretur monachus. Respondeat jam accusator: an iniquius egerit Physiophilus, qui monachum, anthropomorphum animal, cum homine fere conjunxit, quam summæ sanctitatis, & integritatis vir Chrysostomus, qui eundem in imbecillimam bipedum clausem, quæ tanto intervallo ab homine disjungitur, rejicit. An sanctius quid dixisset? si monachum Servitam inauspicatum corvum, Carmelitam falacem passerem, Franciscanum stolidum struthiocameum, Dominicanum vulturem offifragum, Capucinum fœtentem upupam, Latrappium tristem noctuam, Trinitarium temporarium culeum, Paulanum lutosum mergum, monachas autem garrulos psittacos, & divinatrices corniculas vocasset.

Non minori moderatione usus sum, dum monachorum vitia recensui, eaque inhærere ac penitus insita esse cuivis monachorum speciei, aut omnibus afferui. Num enim moderatius patres & concilia ecclesiæ, quæ digna pudore sunt vitia, objecerunt monachorum gregibus? cum iis exprobraffent: a tempore quo

(e) Claudius Pulcher apud Siciliam non pascentibus in auspicando pullis ac per contemptum religionis marri deimerfis, quasi ut biberent, si esse nollent, prælium navale iniit. *Suet. Tib. 2.*

quo avaritia in monasteria immigravit, luxuriam quoque & cupidinem rapiendi, consumendi, aliena devorandi, ea invasisse, fidem, probitatem & bonas artes exulasse, pro his superbiam, crudelitatem, ignorantiam irrepsisse, divina neglecta & venalia habita fuisse, indeque scelera omnia erupisse. (f) Monachos paupertatem mentiri, & inter divitias male partas sepeliri. (g) Eos flagitiose venereas voluptates concupiscere, iisque turpiter frui, & exerceri in ipsis monasteriis lupanaria; (h) labefieri & minui eorum mentes tur-

G 4

pis-

(f) *Nili Abbatis tractatus seu opuscula, e codicibus manuscriptis vaticanis, cassinensis &c. eruta; græce & latine; edidit Josephus Maria Suarezius. Romæ 1763. fol.*
Tractat. de monastica exercitatioac cap. 7. 11. 12. & reliqu.

Imputatur fratribus, quod avaritiæ causa hominibus persuadeant, ut abrenunciantes seculo res suas ecclesiæ conferant. *Concil. Cabillon. II. Cap. 6.*

(g) *Monachi sub religionis titulo injusta compendia exercent -- Plenis sacculis moriuntur divites, qui quasi pauperes vixerunt. D. Hieronymi opera, cura Dominici Vallarsi. Veronæ. 1734. T. I. p. 937.*

(h) *Monasteria olim virtutum scholæ ac pauperum hospitalia erant, nunc proh dolor! videmus ea, quæ virorum sunt, in diversoria militum ac raptorum, quæ vero mulierum sunt, in plerisque locis in su-*

spe-

pissima ebrietate (i), eosque intempestivæ &
for-

spectas de *innocentia domos* (ne quid gravius dicimus) esse commutata. *Concil. Coloniense. Anno 1536.*
Art. 19. c. 8.

Absit, ut monachos (quod etiam dictu nefas est) Christi virginibus familiares esse velimus. *Concil. Hispanense 2. c. II.*

Illud namque necessarium visum est de monasteriis puerularum, quæ in quibusdam locis *lupanaria* potius videntur esse quam monasteria. *Concil. Aquisgrannense. Cap. 12.*

Masculum omnem declina, synisactum vero patissime,
S. Gregor. Nazianz. epigr. 211. in Anecdotois græcis edit. Muratorii. Patavii. 1709. 4.

Jam mihi est canities, corpus lanio, oculum domito,
Curis diurnis, nocturnisque absumo,
Animam ter miseram ut ab igne eripiam;
Sed nihilominus corpori ægre impero.
Quomodo vero tu (Mönache!) & juventutem ferens,
& carnes erigens ampliores elephanto, *S. Gregor. Nazianz. epigr. 201. t. c.*

fordidæ gulæ deditos esse, (k) qui præliban-
dæ tantum æternitati seseoyerunt; induere
G 5 ni-

Lib. 3. Similitud. 9. cap. II. S Herma narrat; Virgines quædam ita me allocutæ sunt: nobisqum dormies ut frater, non ut maritus -- Ea vero, quæ ex illis prima esse videbatur, amplexata me est. & osculari me cœpit, cæteræ vero, quum vidissent, me amplexari ab illa, & ipsæ cœperunt me ut fratrem osculari -- Mansi ergo illa nocte cum eis juxta eandem turrim; straverunt autem tunicas suas linteas in terram & me in medio collocaverunt, nec quidquam aliud faciebant, nisi quod orabant. Id quod pie creditur. Anecdota græca edita a Lud. Ant. Muratorio, Ratavii. 1709. 4. pag. 235.

(i) Quid dishonestius quam vino assidue madidos ejusmodi helluones animarum curæ præesse, de quibus Propheta dicit: Væ h sacerdoti & prophetæ præ ebrietate erranti, & nunquam judicium aspicient! *Concil. Trevir. 1548.*

Qui ebrius est, non facile eredat esse hominem, qui ne aquam quidem degustet, etiamsi hoc nostro tempore multi monachorum fecerint. *Chrysost. opera. T. 7. pag. 273. edit. Montf. Paris. 1718. græce & latine.*

(k) Dum corpori dapem subministrare volunt, non inferunt necessariam, sed quam gulosorum hominum luxus ex immensa cupiditate novo artificio comparavit. *Nilus Abbas. l. c. in exercit. monastica. Cap. 9.*

nihilominus monachos simulationem virtutis,
 & quamvis corda illita sint felle & acerbo
 aceto, verba proferre mellea, & orationes
 lacteas, ad pietatem, castitatem, summaque
 morum severitatem compositas (1); converti
 intra claustra monasterii charitatem christia-
 nam in graves inimicitias, jurgia, maledicta
 contumelias & rixas, nec religionis sanctitate

nec

(1) Ita ut pietas a plerisque iam pro quæstu habeatur,
 neque aliam ullam ob causam illi quondam beatæ
 & tranquillæ vitæ nos addicimus, nisi ut fictæ pie-
 tatis specie laboriosa ministeria effugiamus. *Nilus*
Abbas exercit. monast. Cap. 7.

Ignarus etiam (Monachus) quis scopus sit divinæ phi-
 losophiæ jam supercilium pharisaicum adducit, &
 ob vestem solam extollit animum, quasi exulta
 probe virtute! -- Scopulus pro portu, pro templo
 sepulchrum dealbatum, & pro ove lupus deprehen-
 sus ad exitium eorum, qui sunt decepti, ex eo
 quod appetet. *Ibid. Cap. 8.*

Multi etiam (Monachi) in ædes admissi simulata tantis-
 per verecundia & malam, quæ eos urget, famam
 persona hypocrisis obtegentes postmodum iisdem
 expilatis abeunt, adeo ut totum monachice viven-
 di institutum iam publice infametur. *Ibid. C. 9.*

nec instituti norma continendas; (m) rerum omnium desperationem nonnullorum animos occupare, (n) applaudere demum omnes stultæ suæ inscitiæ nec addiscere quidquam præter ignorantiam. (o)

Hæc

(m) Ut domus semota habeatur hujusmodi, his qui fugere aut pugnis baculisve inter se voluerint configere. *Convent. Aquisgranenfis. Cap. 40.*

In monachis quoque præsentis sententiæ forma servetur; quos si verborum increpatio non emendaverit, etiam verberibus statuimus coerceri. *Conc. Agathense Can. 28.*

(n) Sunt qui humore cellarum, immoderatisque jejuniis, tædio solitudinis ac nimia lectione, dum diebus ac noctibus auribus suis personant, vertuntur in melancholicam & Hippocratis magis fomentis quam nostris monitis indigent. *Chrysostomus l. c. epistola 125. ad Rusticum.*

Hæc quæ de Patrum acerbiore reprehensione corruptionis monasticæ protuli testimonia, non sunt quæsita ex occulto quodam aut ficto monumentorum genere, sed sumta de medio, ex rebus palam per antistites ecclesiæ gestis, ad concilia delatis, & cum omni orbe christiano communicatis. Quanto moderatius jam hæc vitia movit Physiophilus! Videbat non reformatos fuisse continua moderatorum ecclesiæ correctione, mores monachorum & in-

Nam si ad monasticum inde ordinem te contuleris, circa primam illam observantiaæ conventusque dissonantiam ac nonnullas etiam inter observantes ipsos obedientiaæ contentiones & scissuras, ne qua præcipua *ignorantia*, ambitionis, avaritiæ, ac sollicitudinis temporalis labes intimis eorum præcordiis medullitus inhæserit, etiam atque etiam animadvertisendum judicabis. *Concil. Lateranense, sive Octam.* 17.

(8) Qui vero pauperes sunt & tenui substantia (monachi) videntur sibi scioli; pomparum ferculis similes procedunt in publicum, ut caninam exerceant facundiam; Alii sublatis in altum humeris, & intra, nescio quid, cornicantes, stupentibusque in terram oculis tumentia verba trutinantur, ut si præconem addideris, putes incedere præfecturam. *Chrysost. Epist. 225. ad Rusticum.*

inveteratis per moras longiores vitiis vix supereret medicinam. Videbat quoque, quam esset hucusque vulgus stultissimis opinionibus de tunicæ monasticæ per compita ambulantis, mendicantis aut in otio putrescentis sanctitate præoccupatum, & remedii votum esse verius quam spem; noverat tamen esse festivum quoddam & jocosum admonendi genus, quod facilius penetret in mortalium animos; quam gravis, austera, & omni dictationis illecebra nudata veritas. Studuit ergo hac arte delicas-
tis animis obrepere & cum voluptate mederi. Melle prælinivit absinthii poculum, ut gravior esset palato medicina. Prodesse voluit, non lèdere, consulere moribus monachorum, non officere. Nihilo minus vitiligator, qui actionem hanc mihi intentavit, leviores esse monachologiæ nostræ nugas quam virum gravem deceat, & mordaciores quam ut christianæ conveniant modestiæ, caluminatur, caputque Physiophili anathemate ferit, quod eucullos polymorphos, funes multinodosos, centonesque cœnosos leviori joco adsperserit, & sera fronte sibilare maluerit, quam contracto supercilie perstringere vicia monachorum.

Supereft forte: ut Patres & concilia ecclesiæ severitate hac animadversionis suæ non-
nul-

nullos tantum disciplinæ monasticæ affecas
castigasse opponat auctor, cum in hac quoque
centonatorum hominum turba plures & mo-
rum probitate, & doctrinæ præstantia cele-
bratissimos viros extitisse nemini non perspe-
ctum sit. Nostis vero Judices! *exceptione* po-
tissimum *firmari regulam*, & ridiculum fore:
si simias omnes funambulas esse, modestas, ci-
curatas, innocuas quis diceret, cum docilior
quædam per catadraenum in foro decurrat, &
ad nutum magistri spectaculi causa saltitet.
Evanescet certo exiguus monachorum virtute
& scientia clarorum numerus, si Agapetos, Sy-
nisaëtos, Cœnobitas, Sarabaitas, Anachoretas,
Eremitas, & mille monachorum formas, quæ
velut salaces, & nocivæ plantæ in generoso
ecclesiæ agro, non sine levi lætioris segetis
detrimento hucusque propullularunt, in ani-
mum revocabitis, & cum paucula illa virtute
& doctrina nonnullorum comparabitis ignoran-
tiæ, otium, superstitiones, vitia sexcentum
millium monachorum, qui hodieum mole-
stant Germaniam, inundant Italiam, stipant
curiam romanam, tolerantur in Gallia, sagi-
nantur ambabus manibus in Hispania, adoran-
tur in Lusitania, & patientiam religionemque
incolarum utriusque orbis exercent.

Dixi a principio defensionis meæ, actorem falsa, inopportuna, & ridicula in Physiophili accusationem attulisse argumenta; hunc vero in monachologiæ specimine non sacerdotes, sed vanæ religionis sacrificulos communi SS. PP. afflensu, idque summa & laudabili cum moderatione infectatum esse. Videor mihi, ni mea me fallit conscientia, utramque orationis partem explevisse; nec jam accusabo adversarium non me magis actione hac sua offendisse, quam vos, quorum annutu publici juris factæ sunt Physiophili facetiæ; Vestrum est judices reprimere hanc audaciam, ne diuturna impunitate munita aliquando erumpat in perniciem reipublicæ. Vestrum est admonere hominem religiosum: esse modum quendam religionis; placari numen æternum rite perpatrato sacrificio, non muliebri religione; augustum esse munus sacerdotis puri, modesti, gravis, ad aras litantis, sed contemniendas esse excantationes & fraudes personati sacrificolæ, piis præstigiis & evocationibus plebem fascinantis; sancta esse & veneranda numina, divos, tempora, aras; at non violari ecclesiam. si tollan-

—
tur nugæ & crepundiæ e medio sacrarii; at impune explodi cucullos, funes, tunicas, larvas, mimos, in atriis templorum circumvagantes. Vestrum est jam ferre sententiam, & si vobis videtur, absolvere Physiophilum, contra vehementem nimiumque superstitionis accusatorem disputantem, ut & sua sint virtuti & religioni præmia, quæ pridem tulit hypocrisis & superstitionis,

—

COSMÆ NECROTOMI
ANATOMIÆ IN NOSOCOMIO ROMANO AD
S. SPIRITUM PROFESSORIS
ORDINARII.

A N A T O M I A
M O N A C H I

AD VIRUM

CL. JOANNEM PHYSIOPHILUM.

R em acu tetigisti Physiophile ! Monachus non est homo. Quod tu è characteribus externis empirice tantum suspicatus es , ego scrutando interiorem machinæ anthropomorphæ structuram, pragmatice jam expertus sum. At si quid gloriæ in me redundat , ope anatomiaæ

H

sen-

sententiam tuam primum confirmatam fuisse, semper honos, nomenque tuum laudesque manebunt, cui inventionis utilissimæ gloria disputari nequit; utilissimæ inquam, quia summorum anatomicorum effata, sœpe toto cœlo distantia, sola hac distinctione componuntur: hunc monachos, illum homines dissecuisse, & cum uterque se unum idemque subiectum, hominem scilicet, tractavisse putaverit, accidisse: ut resultantes ex erroneo supposito observationes quam plurimum differant.

Sed rem agamus amice! nec enim tu laudibus meis indiges, nec eas a me expectas, quem a tot annis arctissimo amicitiae vinculo tibi conjunctum esse non ignoras.

Vix famigeratissimum Monachologiæ tuæ specimen ad me delatum fuit, cum dubius: an per jocum tantum, ut soles, an serio ex hominum genere monachos expunxeris, hypothesin tuam accuratius indagare proposui. Adferri curavi in theatrum anatomicum no-
fo-

focomii nostri plura monachorum cadavera, & juxta leges artis examinavi omnia. Vicit eventus expectationem; inveni enim, compارando horum viscera cum humanis, monachi fabricam interiorem, & organa ad *digestionem* solum, & *procreationem* destinata esse, nec habere quid commune cum homine præter formam externam, quæ forte causa est, quod actiones humanis simillimas, quamvis involuntarias sæpiissime aut instinctu animali solum excitatas, proferat monachus; id quod ejus anatomia, quam judicio tuo subjicio, uberius demonstrabit.

Aperto ventre & remota sentina excrementorum, quæ non sine gravi meo & discipulorum incommodo tantum putredinis exhalabat, ut vel ex unius monachi ventre, si aerem inflammabilem a mephitico nonnihil separares, facile machinam aerostaticam impleres, cui hodie inequitant Galli, & per aera feruntur, partes *vestientes*, seu *integentes* exploravi. Nec differebat cuticula, cutisve ab humana; cuti vero pinguedinem nullam, sed, ut in bratis pluribus & præcipue in simiis solet, pro-

xime membranam carnosam substratam vidi,
 Ablatis demum musculis abdominis , & remo-
 to peritonæo nonnihil crassiore , in conspe-
 cillum venit omentum adiposum , vel si mavis,
 adiposissimum , intestinis instratum & ad os
 pubis usque procurrens , ut velut pulvinar
 ventrem tegat , & , ob adipis copiam , coctio-
 nem magis promoveat , cum , ut supra monui,
 principale corporis monastici officium sit , co-
 ctio alimentorum , quæ quo magis augeatur,
 aut nunquam e defectu caloris interrumpatur,
 monachi , præsertim nudipedes & gymnopro-
 ëti ventriculum quoque artificiali quodam
 omento seu indufio laneo , & , quod plus est,
 scapulari per ventrem decurrente , vel tunica
 biplicata supervestiunt , ad exemplum gladia-
 toris illius , cui Galenus omentum abstulit , & ,
 ne frigore intestina lœdantur , ventrem lanis
 obvolvit.

Prospexit quoque natura monachis , qui
 ex instituto nonnunquam jejunant , pinguiore
 omento ; adeps enim in inedia vertitur in ali-
 mentum & inescat partes , donec proprium
 nutrimentum accedat.

Post

Post omentum partem nobilissimam monachi, stomachum, seu ventriculum penitus inspicere studui. Sed vix fidem habebis observationi, vix ipsemet mihi crederem, si non his oculis vidisse, si non his manibus palpasssem, si non repetitis observationibus idem semper expertus essem. Ventriculos quatuor detexi, ejusdem omnino structuræ, ut in brutis ruminantibus esse solent; *ventriculum* nempe, *reticulum*, *omasum*, & *abomasum*. Phænomeno hoc tam singulari percultus mille hypotheses formavi, quarum unamquamque, vix adoptatam, iterum rejici, & quod æquifimum putavi, tandem nihil statuere, sed examinare singula, & educere corollaria volui.

Ventriculis quatuor animalia ruminantia gaudere pridem Aristoteles & post eum zoologorum unusquisque adnotavit. Num vero & monachi ruminant? Mihi quidem id luce meridiana clarius videtur. Quid enim horarum canonicarum recitatio, vel, ut tu vocas, clamor monachorum certis dierum horis erumpens aliud est, quam ruminatio? quæ post prandium & cœnam potissimum peragitur, ut

repetita in ore cibi masticatio perfectiorem concoctionem promoveat. Fors ideo monachi, rudiore pabulo sese nutrientes, clamant, ejulantque fortius, quam delicatiore alimento utentes, qui psalmos suos tantum murmurant.

Interea hallucinabantur certo Physiographi, qui in brutis, utraque maxilla dentata instructis, unicum tantum ventriculum statuerunt; id quod jam *Riolanus* tacite refutavit, qui in homine — verosimilius in monacho quem pro homine habuit — bis duplēcēm ventriculum observavit. Si vero monachus ad animalia ruminantia spectat, queritur, an in arca Noachi monachus quoque contra commune excidium, orbi sublunari per diluvium intentatum, conservatus fuerit? An unica, an plures primigeniae monachi species, a quibus aliæ derivantur, hanc zoothecam universalem intraverint? quod ex sacrīs paginis conjicere licet, ubi Noë præcepit Dominus: ex animalibus mundis, quibus ruminantia ad- censentur, septena & septena, masculum & fœminam in arcem recipere. (a) Nē vero in ten-

(a) Genef. c. 7.

tentamen philologico - criticum abeat discussio
hæc anatomica , jam ad quadruplicem monachi
stomachum revertamur.

Nosti *Helmontium* , famosissimum illum &
celebratissimum medicum , qui sese miracula
corporis humani a divo quodam magistro edo-
ctum & interiora naturæ profundius scrutatum
fuisse , non sine fide jactitavit , *Helmontium*
inquam sedem animæ in stomacho , tanquam
centrali puncto posuisse. Si sententia hæc
de homine absolute quidem probari nequit,
de monacho tamen extra dubium posita est.
Stomachus monachi enim præest , & domina-
tur omnibus ejus facultatibus ; hunc quasi uni-
cum actionum suarum motorem farcire sata-
git ; hunc curat , huic studet , hoc repleto
gaudet , cantat , prurit ; hic est sedes appeti-
tus ; hic nobilissimum monachi officium — di-
gestio — absolvitur ; hæc est principalis ejus
pars ; quod e continuatione tentaminis mei
anatomici patebit.

Nec obstat, quod ogganiunt *Bartbolinus* & reliqua anatomicorum turba: sententiam hanc indignam esse, quæ animæ locum adfigiat cibis impuris continuo scatentem; ridiculam, quia voraciores monachi plus animæ habere viderentur, quam minus appetentes; absurdam, cum e fonte tam impuro facultates nobiles dimanare nequeant. At de monacho sermo est, non de homine.

Si enim nobilior anima humana domicilium in cerebro fixit, ut in hoc promtuario idearum proximior sit ad edendas per corpus humanum functiones suas, quo aptius animæ monasticæ sedem collocabimus? quam eo, ubi semper in nutrimento suo natat, aut voluntatur, unde vires ad actiones suas producendas continuo haurit. Nec ingratior esse potest animæ monachi ciborum varii generis in ventriculo confluentium aspectus & odor, quam animæ hominis diversissimarum idearum in cerebri medulla enatarum aut excitatarum farrago. Docet demum experientia: monachos eo magis animatos esse & vigere, quo sunt voraciores, & ab anima, si animam appellare licet, monastica, præter digestionem, procreationem,

&

& evacuationem, facultates alias nobiliores nequaquam exerceri.

Opponet forte quispiam actiones quas-dam, humanis affines, produci a monachis; sed eas omnes ortum a ventriculo ducere facile explicabimus, Videmus, ut rem exemplo dilucidem, monachos per compita & viacos vagari, & imitari circumforaneos apostolos, quos, quia annuntiando quatuor novissima populum ad poenitentiam & sanctioreni vitæ rationem excitant, missionarios vulgus vocat. Qui se se ad imitationem hujus actionis accingit simius monachus, per dies aliquot lauto convivio stomachum implet. Immersa cibis anima in *ventriculo*, qui custodiendo cibo crassiori servit, moratur; decomponentes se se circacircum cibi in anima monachi mortis & corruptionis imaginem excitant, quam lamentabili ejulatu auditoribus annuntiat. Detruduntur dein decomposita & macerata alimenta in *reticulum*, ut a fluidis separentur solida. Inhaerens his & emota hoc spectaculo anima monachi separationem justorum ab iustis seu judicium universale per os eructat;

evacuatis per ductus naturales sordibus quærit monachi anima in *abomaso* nutrimentum, quod post ruminationem masticatum eo rediit, ut saliva mixtum denuo comminuatur, misceatur, recoquatur, & in chylum, non sine magna fermentatione, mutetur. Hæc fermentatio ignis gehennæ levem quidem sed aliquam tamen ideam parit, quam non sine contorsionibus, & lamentis, ab inani præcipue stomacho excitatis, cum auditoribus communicat monachus. Loculis his tribus ventriculi exhaustis, & extenuatis per jejunium, cucullatis his circulatoribus tempore pseudomissionis præceptum, horror vacui animam monachi in *omafum*, velut extremum asylum, cogit, qui tenuius pabulum & præsertim liquida recipit. Innatans ibi vino & cerevisiæ abluitur ab inherentibus sordibus, sese agitat facilius, in sereno & spirituoso æthere vicitat, & per vocis organa incomprehensibilia paradisi gaudia declamat; en actionem humanæ simillimam, quæ plebem maxime fascinat, & fors oculatissimos observatores in errorem induxit, ut monachum cum homine confunderent, e ventriculi structura declaratam & in actionem pure animalem resolutam! En utilitatem ana-

tomiæ, ad excolendum psychologiæ studium,
restitutam!

Quod ad stomachi ipsius fabricam, plicas, orificia & fibras attinet, nihil a communi brutorum structura aberrans vidi, præter crustum, calcaream ni fallor, qua, veluti tarto-ro, parietes & rugosæ ventriculi membranæ obducuntur, quam a vino, quod copiosius haurit monachus, deponi suspicor, quia in omaso potissimum abundat. Id quoque adnotandum esse putavi: in fundum ventriculi monachorum inseri partem meatus fellei, per omnem stomachum multiplici ramo luxuriantem, unde insatiabilis vorandi & bibendi stimulus, perfectior concoctionis operatio, & fors id explicatur: cur biliosissimum hoc animalium genus misanthropia æternum labore, bilemque in genus humanum continuo evomat.

Non te fugit mi Physiophile! quantum disputatum fuerit inter medicos: an liquida,
in

in ventriculum recepta, nonnisi per sinuosos
renum meatus in vesicam destillent, an vero
rani plurimi venæ gastricæ ventriculum per-
reptent, qui tenuiorem & subtiliorem ali-
mentorum partem exsugunt & immediato du-
ctu ad vesicam deferunt; illi venam gastricam
hanc functionem exercere negarunt; hi in
medium protulerunt exempla bibonum, qui tan-
tum hauriebant, ut incapacem hujus diluvij
stomachum rumpi oportuisset, nisi natura ad-
aptasset portam quandam, per quam absque
impedimento in vesicam via recta derivaren-
tur fluida. Dissectiones cadaverum, quas in-
stitui, litem facile component. In homine ve-
nam gastricam hoc officio vix aut ne vix qui-
dem fungi, in siticuloso monacho autem per
eam liquida immediate in vesicam deduci ex-
pertus sum, quod dudum *Hunterus*, anatomi-
corum ævi nostri facile princeps, qui systema
vasorum absorbentium tam ingeniose dilucida-
vit, observasset, nisi e Britannia feliciter exu-
larent monachi, ipsique anthropomorphum
hoc animantium genus eviscerandi & cum ho-
mione comparandi opportunitas denegata fuis-
set.

Prosecutus officium anatomici descendit in infimum ventrem & Duodenum, Cœcum, Colon, Rectum & intestina reliqua perfecta quidem at non in gyros convoluta, sed fere recta aut tantisper sinuosa yidi, ut in animalibus gulosis & rapacibus, præcipue in lupo, esse consuescant, nec dubito cadaver helluonis illius, in quo unum tantum intestinum, sigmæ forma intortum, vidiit *Cabrolius*, a monachi anima quondam vivificatum fuisse.

Inspectis organis primæ coctioni vel chylificationi dicatis, accessi ad ea, quæ ad secundam coctionem seu sanguificationem, & dein quæ ad procreationem faciunt. In his primum occurrit hepar, validis abdomini & dia phragmati annexum ligamentis, quadruplo vel quintuplo majus ac in homine, & in lobos plures divisum; magnitudo hepatis a nutrimentorum copia, & gula monachorum verosimiliter oritur; forma lobata vero probat, internam monachi fabricam vix non eandem esse, quæ in brutis, & *Plempium*, qui jecur humana semper in lobos divisum esse asseveravit, non errasse, nisi quod eas, quas e dissecti onibus monachi hausit, observationes, corpori hu-

humano attribuerit. Adhæret fideliter hepatici vesica biliaria, seu folliculus fellis, in bilio-
fis his animalibus major quam in homine. Subintrans per meatus felleos copiosior bilis,
hepar mirum quantum calefacere, digestionem
confortare, & corpori monachorum, quod a
putredine quoque tuetur, optime conducere
debet, ita ut bilem recte cum *Helmontio* bal-
samum sanguinis monachorum appellares.

In sinistro hypochondrio lien seu splen,
crassum satis, &, ut in brutis calidioribus ap-
paret, nigricans, lustravi.

Memineris me, cum de ventriculo mo-
nachorum supra egi! *Helmontii* sententiam,
quæ animæ, saltem monasticæ, sedem in ven-
triculo adsignat, amplexum esse; nec jam
partes celeberrimi hujus physici deseram, qui
lienem pro organo immediato animæ sensitivæ
venditat, per quod vitalis animæ in stomacho
residentis actiones determinantur, & in quo
intellectus monachorum latitat.

In-

Intimam lienis cum ventriculo connexionem nemo nescit, & si anima monachi in ventriculo habitat, oportet quoque, ut actiones suas exerceat per organa ventriculo proxima, cuiusmodi lien est, ad sanguinem per totum corpus emitendum destinatum, pluribusque arteriis repletum. Egregie huic opinioni nostræ succurrit celeberrimus quidam Physiologus parisinus, qui stomacho repleto lienem minoris esse voluminis observavit, quam eo vacuo. Cibis enim farcto ventriculo anima monachi tota absorbetur, & immergitur nutrimentis, nec actiones quasdam alias per totum corpus manifestat, id quod in refectorio cœnobii cuiusvis oculis veluti spectare licet, cum illato prandio nemo monachorum loquatur, aut præter instrumenta masticationis quid moveat, sed oculi omnium dapibus affixi hæreant, ita ut unusquisque voluptate vorandi quasi abreptus esse videatur. Hoc intervallo in liene nulla certo producitur actio, & ideo volumen ejus minuitur; decompositis & comminutis in ventriculo his alimentis incipit anima monachi agere, digerere, digesta per canales ordinarios fecernere, &, de novo nutrimento sollicita, confortare & excitare nutritionis organa, & hoc in momento tur-

get

get his curis oneratus lien; nec non inde explicabimus, cur lien a nonnullis fedes risus appelleatur; pleno enim stomacho contractior lien, per nervorum cum ore communicacionem, risum in musculis vultus monachi effingit, qui evanescit iterum, quam primum repletio stomachi cessat. Ut denique omnia, quæ ad lienem pertinent, absolvam, crediderim: quod si, ut opinatur *Plinius*, *Fluddus*, *Fioravantius* & *Russetus*, homo exempto e corpore liene vivere posset, id impossibile fore in monacho, utpote in quo læsionem receptaculorum animæ, stomachi videlicet & lienis, lethalem esse oportet.

In parte superiore regionis lumbaris occurrerunt renes ampli fatis, durique, superficie inæquali, & e tessulis quadratis triangularibusve botrytim compactis artificiose compositi, ruberrimi, multo undequaque adipe circumfusi. Non me latet recentiorum observationibus certum esse: renes unice ad percolandum serosam & aqueam sanguinis partem, eamque per ureteres in vesicam deducendum formatos esse. In monacho

ve-

vero res aliter se habet. Discissis enim renibus teturum spermatis odorem & ego & circumstantes discipuli perceperunt, nec ullus nostrum dubitavit, hoc in organo, ut pridem, praeunte *Olfatio*, *Sennertus* & *Olaus Wormius* de renibus humanis afferuit, focum ardentem existere, in quo semen coquitur, præcipue quum ad deferenda in vesicam fluida & serosa venam gastricam cum ventriculo communicare supra innuerimus. Renes ergo officina propria sunt spermatis monastici, in qua ignis inexstiguibilis impuræ Cœnobitarum lasciviæ ardet, conservatur adipe circumfuso contra adfluens serum, augetur frictione indusii lanei, cilicii, cinguli, aut funis, & flagellis, renibus nonnunquam illatis, sufflatur.

Renibus incumbere vidi capsulas atrabilarias, orbiculares fere, & duplo maiores, quam renes suos succenturiatos describit *Caserius*. Repletæ erant humore fœculento, nigro, biliario. Si de usu harum glandularum hodie adhuc inter se altercantur Physiologi, ego earum finem eum esse in monacho pro-

nuntio: ut sperma e renibus descendens & hac vasa præteriens semper bile inquietur, hocque modo futuræ quoque monachorum generationi, vel si verbo uti licet, ipsis homunculis monasticis, germen bilis inferatur, quam adultior monachus in singulos a tergo, aut in omnes e suggestu aliquando evomat,

Ureteres exiles, tenues & ob immediatam fluidorum e ventriculo in vesicam derivationem vix in alium usum existere in monachis suspicor, quam ut exitus pateat superfluo sero, quod nonnunquam immittitur in renes, ut irritatus aqueo humore ignis eo lætius ardeat. Nec de vesica, quod referam, habeo, nisi quod, si matula corporis in homine dicitur, dolium in corpore monachi appelletur oportet, quod crusta viscosa & elastica e fœce vini concreta circa circum munitum est, ne acrimonia urinæ corrodatur, aut copia continentis fluidi disrumpatur.

Taceo vasa spermatica, præparantia, de-
ferentia, ejaculatoria, & cetera ad procrea-
tionem pertinentia organa, quæ in monachis
junioribus robusta, fini consentanea, & per-
fecta, in senioribus vero longiori & frequen-
tiori usu exinanita & exhausta semper appa-
rent; testiculos autem silentio præterire ne-
queo; non enim a vero abhorret, in his spi-
ritum monachorum e spermate recocto & re-
purgato gigni, indeque per totum corpus di-
fundи; quam *Galeni* sententiam hodie dum
gallus quidam physiologus — e monachorum
fors dissectionibus — corroboravit, qui te-
sticulorum & cerebri eandem plane esse ma-
teriam docuit. In tenebris his testiculorum
latebris sedet æternumque sedebit infelix mo-
nachorum spiritus & ingenium, fruendi libi-
dine soluti occupatum. Ex his ergastulis
erumpunt astutiæ, fraudes, blandimenta, im-
pura desideria prurientis monachi, lubrica &
ingeniosa veneris certamina, stupra, raptus,
& reliqua hujus generis facinora, quæ severa
quidem fronte & tristi supercilie, at non pu-
dore & temperantia tegit monachus; nec in-
capaces tantæ rerum molis testiculos mo-
nachorum credas, nam maximi sunt, itaque con-
stituti, ut, si Romanos recte fecille afferant

jurisconsulti, quod ex lege nemo nisi testiculatus testem agere potuerit, sacrum quoque inquisitionis tribunal optime officio suo prospexit videatur, cum monachos testes omni exceptione maiores esse declaraverit, utpote testiculatissimos. In pene extraordinarium nil observavi, & rem ultra fidem exaggeravit D. Gregorius Nazianzenus (b), dum monachum carnes ampliores elephanto erigere narrat.

Absoluto infimo ventre ad medium & dein ad summum ventrem ascendi. Præplacet mihi hæc anatomicorum in summum, medium, & infimum ventrem divisio præcipue in monacho, qui totus quantus venter est.

Pri-

(b) Vide Muratorii Antædoda græca; epigr. 201. P. tav. 1709.

Primæ in thorace occurrentes partes ammæ erant, pilosæ, & subiecta pinquedine elatæ nonnihil. Operæ pretium non esse putavi has dissectioni particulari subjicere, sed annuens tantum opinioni tuæ, quæ monachum mammalibus adcenset, scalpello interiora thoracis pervestigavi.

Diaphragmati summum consensum esse cum cerebro humano, ideoque delirare hominem læso diaphragmate medici dudum statuerunt; at ego hunc nexus diaphragmatis cum cerebro monachorum, id est cum testiculis detegere non potui. Mente quidem captum monachum dices prurientem, aut inhiantem prædæ; quum vero cerebrum monachorum partibus generantibus proxime adhærere jam demonstravimus, diaphragma hic, quod agat, non habet. Sed esse quandam testiculorum cum musculis oris communionem *Riolanus* ad oculum evicit, qui convulsivum risum sub castratione cuiusdam — monachi? — observavit, quem sardonium risum a nervorum, a testiculis ad os ascendentium, vellicatione, &

divaricatione provenire putaverim; Videtur denique diaphragma in monacho adesse solum ad liberiorem respirationem, & excrementorum exclusionem.

Post diaphragma ad pericardium — alterum cordis involucrum perveni, quod humore vinoſo repletum reperi. Nec displicet Aristotelis sententia, majorem hujus humoris quantitatem a copioſiore potu esse, cuius pars aliqua, roris modo, ex aspera arteria fors in venosam penetrat, ut cor monachi humectet, refrigeret, & exhilaret. Ruptis his clauſtris cor ipsum curiosius lustravi, quod hucusque pro principe animalis cuiusvis parte habui. At aberrat in quavis fere monachi specie cordis forma, magnitudo & materia. In quodam monachi Latrappii cadavere cor plane nullum deprehendi, quam cordis absentiam Schenkius quoque olim adnotavit. An a dæmone ſuffuratum fuerit? ut vult Bartolinus, an vita horum alio quodam modo ſtentata fuerit, disputationi physiologorum relinquo. E monacho hispano, ſacri olim tri-

tribunalis, quod in hæreticam pravitatem inquiret, officiali, cor pilosum, & hirsutum extraxi, quod in latronibus quibusdam se quoque vidisse testatur *Benivenius*, & *Muretus*. Cartilagineum cor autem, quale in scelesto quodam observavit *Riolanus*, in monacho, sacrae inquisitionis apud nos præside, vidi. Cæterum in omnibus monachis cor minoris est voluminis, quam in homine, quia callidius est & audacius hoc mammalium genus. Num vero in monacho axillæ emunctoria cordis, ut in homine, an renum emunctoria dici debeant, dubito, quia hircum potissimum olen; Patet ex his, quæ attuli, cor nullius omnino momenti, & quasi superfluum nec ad aliud quid destinatum esse in monacho, quam ut sanguinem venosum ab auriculis acceptum in arterias transmittat, totique corpori nutrimentum dispenset, quod officium natura forte per hepar supplet in monachorum speciebus, quæ corde penitus carent.

Nequit autem monachus carere pulmonibus, cœu instrumento unico, quo provida na-

tura hoc animal, quod cum sui generis hosti-
bus pugnis dimicat, in perniciem generis hu-
mani armavit. Utitur his armis sedulo mona-
chus. Inflatis pulmonibus, excitat, desperat,
accusat, execratur, excommunicat, anathe-
matizat, & effutiendo dira quæque damnat,
& pœnis æternis addicit quotidie genus huma-
num; addit his convicia, calumnias, detra-
ctiones famæ, suggestiones, minas, decla-
mationes, & hac non interrupta pulmonum
exercitatione, quæ fixo certis diei & noctis
horis latratu, ejulatu, clamore, cantu auge-
tur, follis instar aerei inspirat fortiter ex-
spiratque, & sic pulmonibus tanquam flabello
calorem cordis & sanguinis ventillat & re-
frigerat. Ideo bipartitos monachorum omni-
um pulmones, magnos, elasticos, molles, fle-
xiles semper vidi, & conclamatum esse de
monacho arbitror, cuius pulmones vitio quo-
dam, quod plenum eorum usum impediret,
laborant.

Adnati huic folli canales minores raniofi
coeunt tandem in fistulam, quam tracheam,
seu asperam arteriam appellamus, per quam
aer

aer adfertur pulmonibus, & in cujus suprema extremitate seu larynge vocis modulatio perficitur. Nil differt in monacho a communī & ideo in contractione, exsiccatione, humectatione vocalis hujus fistulæ potius, quam in ejus figura causam diversi in quavis monachorum specie clamoris querendam esse existimo; experti sumus ab abundantia potus & oleoso humore contrahi tracheam & raucam fieri, exsiccatione autem intendi, & clangosam evadere; inde profundus, raucus, ingratius, asper, nasalis, diffonus, tremulus vocis sonus in bibulis, ichthyophagis, aut oleo visitantibus monachorum speciebus; in illis autem, quæ siti æterna cruciantur, vox clamosa, & clangosa; quamvis non diffitear, fistulae pulmonariæ & maxime laryngis amplitudine, angustia, brevitate, longitudine, & ut Hippocrates innuit, nimio vel moderatiore veneris usu in singulis monachis aliquam vocis mutationem produci posse.

Adstat tracheæ non ignobilior altera fistula, œsophagus nempe, a faucibus recta descendens in ventriculum, ut per hoc infundi-

bulum appetenti animæ nutrimentum brevissima via advehatur. Utrumque hunc canalem ambit, & continet collum, per quod summus venter cum medio conjungitur, crassius in nonnullis monachorum speciebus, depresso in omnibus. Hæc colli seu cervicis depresso, & dorsum incurvatum, quod in sceletis monachorum passim spectare licet, videtur doctissimum italorum physicum in errorem induisse, qui nuper plane hominem a natura eo destinatum esse prædicavit, ut prono corpore quatuor innixus pedibus ingrediatur; ego vero ex eadem hac colli & dorsi structura præsupposui: monacho per paucum esse cerebri, & nequaquam mobile; cum enim eteros ad sidera vultus tollere nequeat; cerebrum fixum esse oportet, quia mobile, & ponderosius in depresso capite per gravitatem suam ex adsignato sibi loculo excideret; & cum proprium monachi cerebrum alio in loco, capiti e diametro opposto, lateat, in hujus granio vix tanti voluminis esse posse suspicatus sum ac in brutis omnibus, quæ capite depresso incedunt.

Nec se felliit me opinio; disiecto enim capite cerebri quidem non nihil, substantiam vero medullarem & cerebellum nullum conspexi. Nec a vero est ab simile idem phænomenon frequentius in pluribus Francisci & Dominici monachis observatum fuisse, quia utriusque hujus speciei lumina *Thomas Aquinas*, & subtilissimus *Scottus* ne cerebrum quidem ullum ad vitam humanam necessarium esse docuerint. Fors & ideo capite raso incedit monachus? Si enim ad ornandum cerebrum capillos pertinere pronuntiant physiologi, an opportune ageret monachus, qui prætendet hederam cauponæ, quæ vino caret? Pascunt vero barbam voraciores nonnullæ monachorum species, ut, quod operæ pretium est, exornent, & venerabiliorem reddant portam, quæ machinam masticatoriam, cibos ad faciliorem concoctionem præparantem, claudit, in qua prima fit cibi apprehensio, & per quam ingeruntur in ventriculum alimenta corporis & animæ monasticæ.

Reliqua capitis & vultus forma ab humana non discrepat; nec jam his omnibus plura addam, ne patientiam tuam fatigem, præser-tim cum primum ex subsecivis monachorum dissectionibus, quas omni studio prosequar, muscularum, artuum, arteriarum formam, & nexus, nec non ossium compagem, & horum omnium differentias & aberrationes extri-care licebit, quæ si digna attentione tua credidero, tecum communicare non inter-mittam.

Interea ex his, quæ attuli, observationi-bus argumentari poteris: stomachum, lienem, pulmones, & genitalia partes esse principales monachi, cujus anima in ventriculo, intelle-ctus in liene, spiritus in testiculis, arma in pulmonibus hærent, & vix pro miraculo ha-beri posse, si monachus absque capite ambu-let aut transfixo corde loquatur. Esse demum monachum nequaquam hominem, sed animal anthropomorphum, non ratione sed instinctu solum naturali agens, in quo proprie-

Cor

Cor nil agit, pulmo loquitur, fel commovet
iras,

Ventriculus cogitat, testiculi sapiunt.

Vale!

Dabam Romæ in Nosocomio

S. Spiritus V. May.

1784.

